

四庫全書

史部

欽定四庫全書

唐六典卷四

唐 張九齡等 撰

尚書禮部

禮部尚書一人

侍郎一人

郎中一人

員外郎一人

主事二人

令史五人

書令史二十人

亭長六人

掌固八人

祠部郎中一人

員外郎一人

主事二人

令史六人

書令史十三人

掌固四人

膳部郎中一人

員外郎一人

主事二人

令史四人

書令史九人

掌固四人

主客郎中一人

員外郎一人

主事二人

令史四人

書令史九人

掌固四人

禮部尚書一人正三品

周之春官卿也漢成帝置尚書五人其四曰客曹主外國封貢

事光武分六曹吏部曹主選舉齊祀事然則封貢齊祀皆令禮部之職東晉始置祠部尚書常與右僕射通職

若右僕射闕則以祠部尚書知右事宋齊梁陳皆號祠部尚書後魏稱儀曹尚書北齊亦為祠部尚書掌祠祭醫藥死喪贈賻等事後周依周官置春官府大宗伯卿一人隋更為禮部尚書皇朝因之龍朔二年改為司禮太常伯咸亨元年復為禮部光宅元年為春官尚書神龍元年復故

侍郎一人正四品下

周之春官小宗伯中大夫也漢已來尚書侍郎今郎中之任後周依

周官隋煬帝置禮部侍郎皇朝因之龍朔二年改為司禮少常伯咸亨光宅神龍並隨曹改復

禮部尚書侍郎之職掌天下禮儀祠祭燕饗貢舉之政

令其屬有四一曰禮部二曰祠部三曰膳部四曰主客尚書侍郎總其職務而奉行其制命凡中外百司之事

由於所屬皆質正焉凡舉試之制每歲仲冬率與計偕

其科有六一曰秀才

試方畧策五條此科取人稍峻貞觀已後遂絕

二曰明經

三曰進士四曰明法五曰書六曰算凡正經有九禮記

左氏春秋為大經毛詩周禮儀禮為中經周易尚書公

羊春秋穀梁春秋為小經通二經者一大一小若兩中經通

三經者大小中各一通五經者大經並通其孝經論語老子

並須兼習凡明經先帖經然後口試并答策取粗有文

性者為通

舊制諸明經試每經十帖孝經二帖論語八帖老子兼注五帖每帖三言通六已上然後

試策十條通七即為高第開元二十五年勅諸明經先帖經通五已上然後口試每經通問大義十條通六已

上并答時務策三道凡進士先帖經然後試雜文及策文取華實

兼舉策須義理愜當者為通

舊例帖一小經并注通六已上帖老子兼注通三已

上然後試雜文兩道時務策五條開元二十五年依明經帖一大經通四已上餘如舊

凡明法試

律令取識達義理問無疑滯者為通

所試律令凡每部試十帖策試十條

律七條今三條

凡明書試說文字林取通訓詁兼會雜體者為

通

說文六帖字林四帖兼口試不限條數

凡明算試九章海島孫子五曹

張丘建夏侯陽周髀五經綴術緝古取明數造術辨明

術理者為通

九章三帖五經等七部各一帖綴術六帖緝古四帖錄大義本條為問

凡此

六科求人之本必取精究理實而升為第其有博綜兼

學須加甄獎不得限以常科

開元二十五年勅明經進士中除所試外明經有兼

明五經已上每經帖十通五已上口問大義十條疏義精通通五已上進士有兼通一史試策及口問各十條

通六已上須加甄獎所司錄名奏聞其進士唱及第訖其所試雜文及第送中書門下詳覆其明經口問仍須對同舉人考試其試宏

其宏文崇文館學生雖同明經

文崇文生自依常式

進士以其資蔭全高試取粗通文義

宏崇生習一大經一小經兩中經者

習史記者漢書者東觀記者三國志者皆須讀文精熟言音典正策試十道取粗解注義經通六史通三其試

時務策者皆須識文體不失問目意
試五得三皆兼帖孝經論語共十條
太廟齋郎亦試兩

經文義粗通然後補授考滿簡試其郊社齋郎簡試亦
如太廟齋郎其國子監大成十員取明經及第人聰明
灼然者試日誦千言并口試仍策所習業十條通七然
後補充各授散官依邑令於學內習業以通四經為限

其祿俸賜會准非伎術直例給業成者於吏部簡試考
經論語共試八條餘經各試八條間日一試灼然明練
精熟為通口試十通九策試十通七為第所加經者禮
記左傳毛詩周禮各兩階餘經各加一階及第者放選
優與處分不第者三年一簡九年業不成者解退依常
選例業未成年未滿者不得別選及充餘使若經事故

應叙日還令覆上其先及第人欲
加經及官人請試經者皆准此

郎中一人從五品上

周官大宗伯屬官有下大夫蓋郎
中之任也魏晉宋齊梁陳後魏北

齊有殿中郎儀曹郎而殿中掌表疏儀曹掌吉凶禮制
皆禮部之職也後周依周官隋初禮部曹置侍郎一人
煬帝除侍字又改為儀曹皇朝因稱郎中武德三年復
為禮部龍朔二年改為司禮大夫光宅神龍隨曹改復

員外郎中一人從六品上

周官大宗伯屬官有上士後
周依馬蓋令員外郎之任也

隋開皇六年置禮部員外郎煬帝改為儀曹承務郎武
德初改為禮部員外郎龍朔二年改為司禮員外郎咸
亨光宅神龍
並隨曹改復

主事二人從九品上

禮部郎中員外郎掌貳尚書侍郎舉其儀制而辨其名

數凡五禮之儀一百五十有二一曰吉禮其儀五十有

五

一曰冬至祀圜丘二曰祈穀于圜丘三曰雩祀于圜

丘四曰大享于明堂五曰祀青帝于東郊六曰祀赤

帝于南郊七曰祀黃帝于南郊八曰祀白帝于西郊九

曰祀黑帝于北郊十曰蜡祭百神于南郊十一曰朝日

于東郊十二曰夕月于西郊十三曰祀風伯雨師靈星

司中司命司人司祿十四曰夏至祭方澤十五曰祭神

州于北郊十六曰祭大社十七曰祭五岳四鎮十八曰

祭四海四瀆十九曰時享于太廟二十曰祫享于太廟

二十一曰禘享于太廟二十二曰拜五陵二十三曰巡

五陵二十四曰祭先農二十五曰享先蚕二十六曰享

先代帝王二十七曰薦新于太廟二十八曰祭司寒二

十九曰祭五龍壇三十曰視學三十一曰皇太子釋奠

三十二曰國學釋奠三十三曰釋奠于齊太公三十四
曰巡狩告園丘三十五曰巡狩告社稷三十六曰巡狩
告宗廟三十七曰巡狩三十八曰封禪三十九曰祈于
太廟四十曰祈于太社四十一曰祈于北郊四十二曰
祈于岳瀆四十三曰諸州祭社稷四十四曰諸州釋奠
四十五曰諸州祈禳四十六曰諸縣祭社稷四十七曰
諸縣釋奠四十八曰諸縣祈禳四十九曰諸太子廟時
享五十曰王公已下時享其廟五十一曰王公已下祫
享其廟五十二曰王公已下神享其廟五十三曰四品
已下時享其廟五十四曰六品已下時祭五十五曰王
公已下
二曰賓禮其儀有六
一曰蕃國王來朝二曰戌
蕃王見三曰蕃王奉見四

曰受蕃使表及幣五曰燕
蕃國王六曰燕蕃國使
三曰軍禮其儀二十有三
曰一

親征類于上帝二曰宜于太社三曰造于太廟四曰禡
于所征之地五曰載于國門六曰告所過山川七曰露

布八日勞軍將九日講武十日田狩十一日射于射官
十二日觀射于射官十三日遣將出征宜于太社十四
日遣將告于太公廟十五日遣將告于太廟十六日祀
馬祖十七日享先政十八日祭馬社十九日祭馬步二
十日合朔伐鼓二十一日合朔諸州伐鼓
二十二日大饗二十三曰諸州縣饗四曰嘉禮其儀

有五十

一曰皇帝加元服二曰納后三曰正至受皇太
子朝賀四曰皇后正至受皇太子朝賀五曰正

至受皇太子妃朝賀六曰皇后正至受皇太子妃朝賀七
曰正至受羣臣朝賀八曰千秋節受羣臣朝賀九曰皇
后正至受羣臣朝賀十曰皇后受外命婦朝賀十一曰
皇帝於明堂讀春秋十二曰讀夏令十三曰讀秋令十
四曰讀冬令十五曰養老于太學十六曰臨軒冊皇后
十七曰臨軒冊皇太子十八曰內冊皇太子十九曰臨
軒冊王公二十曰朝堂燕諸臣二十一日冊內命婦二
十二曰遣使冊授官爵二十三曰朔日受朝二十四曰

朝集使辭見二十五日皇太子加元服二十六日納妃
二十七日正至受羣臣賀二十八日受官臣賀二十九
日與師傅保相見三十日受朝集使參辭三十一日諸
王冠三十二日納妃三十三日公主降嫁三十四日三
品以上冠三十五日四品以下冠三十六日六品以下
冠三十七日三品以上婚三十八日四品以下婚三十
九日六品以下婚四十日朝集使禮見及辭四十一日
任官初上四十二日鄉飲酒四十三日正齒位四十四
日宣赦書四十五日羣臣詣闕上表四十六日羣臣起
居四十七日遣使慰勞諸蕃四十八日遣使宣撫諸州
四十九日遣使諸州宣制
五十日遣使諸州宣赦書
五曰凶禮其儀一十有八
一曰凶年振撫二曰勞問疾患三曰中官勞問四曰皇太子
勞問五曰五服制度六曰皇帝為小功已上舉哀七日
勅使弔祭八曰會喪九日冊贈十日會葬十一日致奠
十二日皇后舉哀弔祭十三日皇太子舉哀弔祭十四

曰皇太子妃舉哀弔祭十五曰三品以上喪十六曰四品以下喪十七曰六品以下喪十八曰王公以下喪禮制通議其新五禮開元二十年修凡一百五十卷 凡君臣上下皆有通稱凡夷

夏之通稱天子曰皇帝臣下內外兼稱曰至尊天子自稱曰朕臣下敷奏於天子曰陛下服御曰乘輿行幸曰車駕皇太子已下率土之內於皇帝皆稱臣六官已下率土之內婦人於太皇太后皇太后皇后皆稱妾百官曰殿下自稱曰臣百官於皇太子亦曰殿下自稱名東宮官則稱臣凡散官正二品職事官從二品已上爵郡

王已上於公文皆不稱姓凡六品已上官人奏事皆自

稱官號臣姓名然後陳事

通事舍人侍御史殿中侍御史則不稱官號

凡上

表疏牋啟及判策文章如平闕之式

謂昊天上帝天神地祇上帝天帝廟

號祧皇祖妣皇考皇妣先帝先后皇帝天子陛下至尊
太皇太后皇太后皇皇后皇太子皆平出宗廟社稷太社
太稷神主山陵陵號乘輿車駕制書詔旨明制聖化天
恩慈旨中宮御前闕廷朝廷之類並闕宇宗廟中陵中
行陵陵中樹木待制乘輿車中事舉陵廟名為官如此
之類皆不闕字若泛說古典聖及天地不指說平闕之
名者亦不平出若寫經史羣書及撰錄
舊事其文有犯國諱者皆為字不成

凡元日大陳設

於太極殿

今大明宮於含元殿在都則於乾元殿

皇帝袞冕臨軒展宮縣

之樂陳歷代寶玉輿輅備黃麾仗二王後及百官朝集
使皇親諸王並朝服陪位皇太子獻壽次上公獻壽次
中書令奏諸州表黃門侍郎奏祥瑞戶部尚書奏諸州
貢獻禮部尚書奏諸蕃貢獻太史令奏雲物侍中奏禮
畢然後中書令又與供奉官獻壽時殿上皆呼萬歲按舊儀闕供奉官獻壽禮但位次立體畢竟無拜賀
開元二十五年臣林甫謹草其儀奏而行之大會之

日陳設亦如之皇帝服通天冠皇太子稱觴獻壽次上
公稱觴獻壽侍中宣賜束帛有差其日外命婦朝中官

為皇后稱觴獻壽司宮宣賜束帛有差凡冬至大陳設如元正之儀其異者皇帝服通天冠無諸州表奏祥瑞貢獻凡元正冬至大會之明日百官朝集使等皆詣東宮為皇太子獻壽凡千秋節皇帝御樓設九部之樂百官袴褶陪位上公稱觴獻壽凡京司文武職事九品已上每朔望朝參五品已上及供奉官員外郎監察御史太常博士每日朝參凡蕃國王朝見皆設宮縣之樂及黃麾仗若蕃國使則減黃麾之半凡冊皇后皇太子皇

太子妃諸王王妃公主並臨軒冊命陳設如冬正之儀
訖皆拜太廟凡車駕巡幸及還京百官辭迎皆於城門
外留守宮內者在殿門外行從官每日起居兩京文武
職事五品已上三日一奉表起居三百里內刺史朝見
東都留司文武官每月於尚書省拜表及留守官共遣
使起居皆以月朔日使奉表以見中書舍人一人受表
以進北都留守每季一起居凡皇太子行先一日在京
文武職事五品已上並詣宮辭還宮明日詣宮參凡元

正若皇帝加元服皇太后加號皇后皇太子初立天下
諸州刺史若京官五品已上在外者並奉表疏賀皆禮
部整比送中書總奏之凡祥瑞應見皆辨其物名若大

瑞

大瑞謂景星慶雲黃星真人河精麟鳳鸞比翼鳥同心鳥永樂鳥富貴吉利神龜龍駒虞白澤神馬龍馬

澤馬白馬赤髦白馬朱駿之類周匝角端獬豸比肩獸

六足獸茲白騰黃駒駘白象一角獸天鹿鸞封爵耳豹

犬露犬元珪明珠玉英山稱萬歲慶山山車象車鳥車

根車金車朱草屈軼蓂莢平露薶莆蒿柱金牛玉馬玉

猛獸玉瓮神鼎銀瓮丹甌醴泉浪井河水清

江河水五色海水不揚波之類皆為大瑞

上瑞

謂三

白狼赤狸狡赤兔九尾狐白狐白鹿白麋白兕元

鴈赤鳥青鳥三足鳥赤鸞赤雀比目魚甘露廟生祥木

福草禮草萍實大貝白玉赤文紫玉玉羊玉龜玉年玉英
闕黃銀金藤珊瑚鉤駭鷄犀及戴闕壁玉瑠璃鷄趣壁

之類皆為上瑞中瑞謂白鵠白鳥蒼鳥白澤白雌雄闕翠鳥

黃龍青燕元貉赤豹白兔九真奇獸充黃出谷澤谷生
白玉琅玕景闕石潤色地出珠陵出黑丹闕綏延喜福

并紫脫常闕實連澗連善第草下瑞謂秬秠嘉禾芝草
華萍人參闕竹實

木長生如此之類並為中瑞
蒲椒桂合生木連理嘉禾戴角鹿
鹿駁鹿神雀黑雉之類為下瑞 皆有等差若大瑞隨

即表奏文武百僚詣闕奉賀其他並年終員外郎具表

以聞有司告廟百僚詣闕奉賀其鳥獸之類有生獲者

各隨其性而放之原野其有不可獲者若木連理之類

所在案驗非虛具圖畫上凡太陽虧所司預奏其日置五鼓五兵於太社皇帝不視事百官各素服守本司不聽事過時乃罷月蝕則擊鼓於所司救之若五嶽四鎮

四瀆崩竭皆不視事三日凡二分之月三公巡行山陵

則太常卿為之副焉

若獻祖懿祖二陵今趙州刺史年別一度巡行

凡百官拜

禮各有差文武官三品已下拜正一品

中書門下則不拜

東宮

官拜三師四品已下拜三少自餘屬官於本司隔品者

皆拜焉其准品應致敬而非相統攝則不拜

謂尚書都事於諸司

郎中殿中主事於主局直長之類其品雖卑則亦不拜若流外官拜本品官凡致敬之式若

非連屬應敬之官相見或自有親戚者各從其私禮

諸官

人在路相遇者四品已下遇正一品東官四品以下遇三師諸司郎中遇丞相皆下馬凡行路之間賤避貴少

避老輕避重去避來凡國有五聲八音

五聲謂宮商角徵羽八音謂金石絲竹匏土革木

六律六呂

六律黃鍾太簇姑洗蕤賓夷則無射六呂大呂夾鍾中呂林鍾南呂應鍾陳四縣

之度

四縣謂官縣軒縣判縣植縣

分二舞之節

謂文舞武舞

以和人倫以

調節氣以享神鬼以序賓客

凡衆樂之制並載太常寺

凡私家不得

設鐘磬三品已上得備女樂五品已上女樂不得過三

人居大功已上喪受冊及之官雖有鼓樂縱而不作凡太廟太社及諸宮殿門東宮及一品已下諸州門施戟有差凡太廟太社及諸宮殿門各二十四戟東宮諸門施十八戟正一品門十六戟開府儀同三司嗣王郡王若上柱國柱國帶職事二品已上及京兆河南太原府大都督大都護門十四戟上柱國柱國帶職事三品已上中都督府上州上都護門十二戟國公及上護軍護軍帶職事三品若下都督中下州門各一十戟凡內外

百司皆給銅印一鈕

其吏部司勳各置二印兵部置一印考功駕部金部尚食尚乘局各

別置一印其大曰某司之印東都即云東都某司之印內外諸司有傳符銅符之處各給封符印一枚發金封符及封魚函則用之諸司從行者各給行從印其文曰某司行從之印駕還則封納本司凡內外百

官有魚符之制

並出於門下省

凡服飾尚黃旗幟尚赤乘輿之

服則有大裘寬袂寬驚寬毳寬絺寬玄寬通天冠武弁

弁服白黑幘白紗帽平巾幘翼善冠之服

並出於殿中省

皇后

之服則有褱衣鞠衣鈿釵禮衣之制

並出於內侍省

皇太子之

服則有袞寬具服遠遊冠公服遠遊冠烏紗帽弁服平

巾幘進德冠之服

並出於左春坊

皇太子妃之服則有褕翟鞠

衣鈿釵禮衣

並出於右春坊

凡王公第一品服袞冕

垂青珠九旒以組為

纓色如其綬青纁充耳角簪導青衣纁裳服九章每章一行重以為等每行九白紗中單黼領青纁襪裙革帶

鉤鐙大帶鞞劍珮綬朱鞞青烏

二品服鷩冕

八旒七章餘同袞冕

三品服毳冕

七旒

五章餘同鷩冕

四品服絺冕

六旒三章餘同毳冕

五品服元冕

五旒無章餘同絺冕

六品至九品服爵弁

元纁著導青衣纁裳白紗中單青纁襪裙革帶鉤鐙大帶爵鞞白

鞞赤履之服

凡冕服及爵弁服助祭親迎則服之若私家祭

祀三品已上及襄聖侯祭孔子皆服元冕五品已上服

爵弁六品已下通服進賢冠之服若職事官三品已上

有公爵者嫡子婚聽假締寃五品已上孫九品已上子

及五等爵婚皆假以爵弁服庶人婚假以絳公服凡百

官朝服陪祭朝會大事則服之冠情纓簪導絳紗單衣白紗中單皂領標襪裙

白裙襦革帶鈎釧假帶曲領方心絳紗蔽膝鞞舄雙珮雙綬六品已下去釵珮綬公服朔望朝

謁見皇太子則服之冠情纓簪導絳紗單衣白裙襦革帶鈎釧假方心鞞履紛鞞囊雙珮

六品已下去紛鞞囊雙珮凡綬親王纁朱綬一品綠纁綬二品三品紫綬四品青綬五品黑綬凡有綬則有纁

弁服尋常公事則服之牙簪導纓玉珥朱衣素裳革帶鞞囊小綬雙珮白襪烏皮履一

品九琪二品八琪三品七琪四品六琪
五品五琪六品以下去琪及繫囊隻綬
平巾幘之服武

官及衛官尋常公事則服之
冠及褶依本品色並大口
袴起梁帶烏皮鞢若武官

陪立大仗加
勝地襴襜
袴褶之服朔望朝會則服之
五品已上通
用紬綾及羅

六品已下用小綾應著袴褶並起
十月一日至二月三十日已前
凡百僚冠笏
遠遊三

介幘青綾皆諸王服之親王即加金附蟬若進賢冠三
品已上三梁五品已上兩梁九品已上一梁三司三公

太子三師三少五等爵尚書省秘書省諸寺監詹事府
東宮三寺及散官親王傳友文學并開津岳瀆等流內

九品已上服之武弁平巾幘文武官及中書門下殿中
內侍省諸衛及太子諸坊諸率府及鎮戍流內九品已

上服之侍中中書令散騎常侍加貂蟬法官官一名獬豸
監察御史已上服之高山冠內侍省內謁者等服之卻

非冠亭長門僕服之進德冠五品已上附山雲加琪如
升服之制三品已上笏前誥後直五品已上前誥後挂
並用象九品已上任用竹木上
挂下方男以上聽依爵品執笏
已上爵國公已上及縣令並用織一品青洞纁通懣
朱裏三品已上青通懣朱裏五品已上青偏懣碧裏珂

珮子珮一品已上九子四品七子五品五
各
有
差
凡
常
服

亦如之
親王三品已上二王後服用紫飾以玉五品已
上服用朱飾以金七品已上服用綠飾以銀九

品以上服用青飾以鍮石流
凡凶服不入公門
遭喪被
外庶人服用黃飾以銅鐵
起在朝

者各依本品著淺色純纁周已下慘者朝參起居亦依
品色無金玉之飾起復者朝會不預周喪朱練大功未

奏則亦
准此例
凡外命婦之服若花釵翟衣外命婦受冊從蠶

朝會婚嫁則服之

第一品花釵九樹翟九等二品花釵八樹翟八等三品花釵七樹翟七等

四品花釵六樹翟六等五品花釵五樹翟五等其服並素紗中單黼領朱襪蔽膝青衣革帶青鞵烏玕綬其

衣通用 翟充 鈿釵禮衣外命婦朝參辭見及婚會則服之 品一

九鈿二品八鈿三品七鈿四品六鈿五品五鈿並通用雜色制與翟衣同如隻珮小綬去烏加履 凡婚

嫁花釵禮衣六品已下妻及女嫁則服之 其釵履笄而

任以金銀雜寶為飾禮衣則大袖連裳青質素紗中單朱襪襜褕膝大帶以青衣帶革履鞵 其次花

釵禮衣庶人嫁女則服之 釵以金銀塗琉璃等飾連裳青質以青衣帶革履鞵皆自

制凡婚嫁之服若資蔭高者皆從高 女初嫁聽攝母服廟見已後准常

親王孺人服依本品五品已上媵降妻一等妾降媵一

等凡婦人常服五等已上諸親女婦及五品已上母妻

通服

若從多給服已終則不給

凡內外職事五品已上在兩京薨卒

及身死王事將葬皆祭以少牢三品已上贈以束帛一

品加乘馬既引又遣使贈於郭門之外皆以束帛一品

加璧

致仕薨卒並依職事見任之法

凡百官葬禮皆有轎車引披鐸嬰

明器方相魁頭之制皆載於鴻臚之職焉碑碣之制五

品已上立碑

螭首龜趺跌上高不過九尺

七品已上立碑

圭首方跌跌上不過

四尺若隱淪道素孝義著聞雖不仕亦立碣凡石人石獸

之類三品已上用六五品已上用四

凡德政碑及生祠皆取政績可稱州

為申省省司勘覆定奏聞乃立焉

祠部郎中一人從五品上

東晉置歷宋齊梁陳後魏北齊皆有祠部郎後周春官府

有典祠中大夫一人隋有祠部郎皇朝稱郎中龍朔二年改為司祿大夫咸亨元年復故

員外郎一人從六品上

隋文帝置煬帝為承務郎皇朝復為祠部員外郎龍朔咸亨

隨曹改復

主事二人從九品上

祠部郎中員外郎掌祠祀享祭天文漏刻國忌廟諱卜筮醫藥道佛之事凡祭祀之名有四一曰祀天神二曰祭地祇三曰享人鬼四曰釋奠于先聖先師其差有三若昊天上帝五方帝皇地祇神州宗廟為大祀日月星辰社稷先代帝王岳鎮海瀆帝社先蠶孔宣父齊太公諸太子廟為中祀司中司命風師雨師衆星山林川澤五龍祠等及州縣社稷釋奠為小祀冬至祀昊天上帝於圜丘以高祖配焉又祀東方青帝靈威仰南方赤帝

赤熒怒西方白帝白招拒北方黑帝叶光紀中央黃帝含
樞紐及大明夜明於壇之第一等又祀內官五十五坐
於壇之第二等又祀中官一百五十九坐於壇之第三
等又祀外官一百五坐衆星三百六十坐於內壇之內
正月上辛祈穀于圜丘祀昊天上帝以高祖配焉祀五
方帝於壇之第一等孟夏之月大雩於圜邱祀昊天上
帝以太宗配焉又祀五方帝於壇之第一等又祀太昊
炎帝黃帝少昊顓頊於壇之第二等又祀句芒祝融后土

蓐收元冥於內壇之內季秋之月大亨於明堂祀昊天上帝以審宗配焉又祀五方帝五帝五官各於其方夏至祭皇地祇於方丘以高祖配焉祭神州於壇之第一等五嶽四鎮四海四瀆五方山林川澤丘陵墳衍原隰凡七十坐皆於內壇之內

汾陰后土祠廟亦四時祭焉

孟冬之月祭

神州地祇於北郊奉太宗以配焉立春之日祀青帝於東郊以太昊配焉其句芒氏及歲星東方三辰七宿並從祀立夏之日祀赤帝於南郊以神農配焉其祝融氏

及熒惑星南方三辰七宿並從祀季夏土王日記黃帝
於南郊以軒轅配焉其后土氏鎮星並從祀立秋之日
祀白帝於西郊以少昊配焉其蓐收氏太白星西方三
辰七宿並從祀立冬之日祀黑帝於北郊以顓頊配焉
其元冥氏辰星及北方三辰七宿並從祀春分之日朝
日於東郊秋分之日夕月於西郊立春後丑日記風師
於國城東北立夏後申日記雨師於國城西南立秋後
辰日記靈星於國城東南立冬後亥日記司中司命司

人司祿於國城西北仲春上戊祭太社以后土氏配焉
祭太稷以后稷氏配焉仲秋之月及臘日亦如之四孟
月及臘日大享太廟春享則兼祭司命及戶夏享兼祭
竈季夏之月祭中雷秋享兼祭門及厲冬享兼祭行若
臘享則七祀徧祭皆於太廟之西門內之南凡三年一
祫享以孟冬五年一禘享以孟夏皆七祀徧祭若祫享
則配享功臣皆列於堂室之前

高祖之廟則開府儀同
三司淮安王神通禮部

尚書河間王孝恭陝東道大行臺右僕射鄭國公殷開
山戶部尚書渝國公劉政會配饗太宗之廟則司空梁

國公房元齡尚書左僕射萊國公杜如晦尚書左僕射
中國公高士廉配享高宗之廟則司空英國公李勣尚
書左僕射北平縣公張行成中書令高唐縣公馬周配
饗中宗之廟則侍中平陽郡王敬暉侍中扶陽郡王桓
彥範中書令博陵郡王崔元暉中書令漢陽郡王張柬
之中書令南陽郡王袁恕已配饗睿宗之廟則太子少
傅許國公蘇瓌尚書左丞
相徐國公劉幽求配饗 孟夏吉亥享先農於東郊以

后稷配季春吉己享先蠶於西郊仲春上丁釋奠于孔

宣父以顏回配其七十二弟子及先儒並從配

謂子淵
子騫伯

牛仲弓子有子路宰我子貢子游子夏曾參顓孫師澹
臺滅明宓子賤原憲公冶長南宮适公皙哀曾點顏路
商瞿高柴漆雕開公伯寮司馬牛樊遲有若公西赤巫
馬期梁鱣顏柶冉孺曹卹伯虔公孫龍冉季產秦子南

漆雕哆顏子驕漆雕徒父壤駟赤商澤石作蜀任不齊
公夏首公良孺后處秦冉奚容箴公肩定顏辛鄒單句
井疆罕父黑泰商申黨公祖子之榮子旂縣成左人郢
燕伋鄭子徒泰非施之常顏噲步叔乘顏之僕陳亢籍
樂欣庶絮顏何叔仲會狄黑邾奚孔忠公西與如公西
歲等及左丘明公羊高叔梁赤伏勝高堂生戴聖毛萇
孔安國劉向鄭眾杜子春馬融盧植鄭元服虔
賈逵何休王肅王弼杜預范甯等凡九十八人仲秋之
月亦如之仲春上戊釋奠于齊太公以留侯張良配焉
仲秋之月亦如之孟冬祭司寒於冰室仲春祀馬祖仲
夏享先牧仲秋祭馬社仲冬祭馬步並以剛日皆於大
澤之中季冬臘日前寅蜡百神於南郊大明夜明神農

后稷伊耆五官五星二十八宿十二辰五嶽四鎮四海
四瀆五田峻青龍朱雀麒麟騶虞元武及五方山林川
澤丘陵墳衍原隰井泉水壩坊於菟鱗羽介毛羸郵表
畷猫昆虫凡一百八十七座若其方有災害則闕而不
祭祭井泉於川澤之下立春之日祭東嶽泰山於兗州
東鎮沂山於沂州東海於萊州東瀆淮於唐州立夏之
日祭南嶽衡山於衡州南鎮會稽山於越州南海於廣
州南瀆江於益州季夏土王日祭中嶽嵩山於河南府

立秋之日祭西嶽華山於華州西鎮吳山於隴州西海
及西瀆河於同州立冬之日祭北嶽恒山於定州北鎮
醫無閭於營州北海及北瀆濟於河南府各於其境內

本州長官行馬蜀州青城丈人山每歲春秋二時享以

蔬饌委縣令行

側近以三
兩人洒掃

凡三年一享帝嘗氏于頓邱

享唐堯於平陽而稷禹配焉享虞舜於河東咎繇配焉
享夏禹於安邑伯益配焉享殷湯於偃師伊尹配焉享
周文王於鄴太公配焉享周武王於鎬周公召公配焉

享漢高祖於長陵蕭何配馬皆以仲春之月四時仲月
享隱章懷懿德節愍惠莊惠文惠宣七太子廟令其子
孫主祭有司給牲牢樂縣太常博士相禮馬四仲月享
隋文帝周武帝廟鄴公介公主祭凡州縣皆置社稷如
京都之制仲春上戊州縣官親祭仲秋上戊亦如之凡
州縣皆置孔宣父廟以顏回配馬仲春上丁州縣官行
釋奠之禮仲秋上丁亦如之凡官爵二品已上祠四廟
五品已上祠三廟六品已下達於庶人祭祖禰而已凡

國有封禪之禮則依園丘方澤之神位

古封禪禮多闕而不載其玉檢

文亦秘代莫得知開元十三年上封太山乘馬直造山頂唯一二大臣得從焉其玉檢文為蒼生祈福當時不

秘人得以知之

若親征禡類昭告各依本神位焉

車駕巡幸路次名山大川

古昔聖帝明王名臣將相陵墓及廟應致祭者名山大川三十里內聖帝明王二十里內名臣將相十里內並祭之

今本州

凡國有大祭祀之禮皇帝親祭則太尉為亞獻

光祿卿為終獻若有司攝事則太尉為初獻太常卿為

亞獻光祿卿為終獻孔宣父廟則國子祭酒為初獻司

業為亞獻國子博士為終獻齊太公廟則太常卿為初

獻少卿為亞獻丞為終獻諸小祀唯官一獻凡大祀散

齋四日致齋三日中祀散齋三日致齋二日小祀散齋

二日致齋一日皆祀前習禮沐浴並給明衣

諸大祀齋官皆於散

齋日平明集尚書省受誓戒具致齋日三公於都省安置所司鋪設若車駕親行及齋官向祀祭之所本司預告州縣及金吾相知令平明視所行之路道次不得見諸凶穢纒經及聞哭泣之聲散齋日不得弔喪問疾不判署刑殺大書不決罰罪人

凡京師孟夏已後旱則先祈嶽鎮瀆海

及諸山川能興雲雨者皆於北郊望祭又祈社稷又祈

宗廟每七日一祈不雨還從嶽瀆如初旱甚則修雩秋

分已後雖旱不雩雨足皆報祀若州縣則先祈社稷及

境內山川若霖雨則京城崇諸門門別三日每日一崇

不止祈山川嶽鎮海瀆三日不止祈社稷宗廟若州縣

則崇城門及境內山川而已凡天下觀總一千六百八

十七所

一千一百三十七所道士五百五十所女道士

每觀觀主一人上座一

人監齋一人共綱統衆事而道士修行有三號其一日

法師其二曰威儀師其三曰律師其德高思精謂之鍊

師而齋有七名其一曰金錄大齋

調和陰陽消災伏害為帝王國王延祚降

福其二曰黃錄齋

並為一切拔度先祖

其三曰明真齋

學者自齋齊先緣

其四曰三元齋

正月十五日天官為上元七月十五日地官為中元十月十五日水官為下元

皆法身自懺誓罪焉

其五曰八節齋

修生求仙之法

其六曰塗炭齋

通濟一切

難急其七曰自然齋

善為一切祈福

而禳謝復三事其一曰章其

二曰醺其三曰理沙大抵以虛寂自然無為為宗

其法出於

老子自云有物混成先天地生視之不見聽之不聞搏之不得湛然而存隨感應物厥數無常奉其道者咸蠲去邪累澡雪心神及白日昇天長生代上又稱道者有三元九府百二十官一切諸神咸所統攝至有化金消玉行符敕水奇方妙術驅鬼役神之能故好異者共尊事之又言二儀之間有三十三天一天之中三十六官

官有一主最高者曰無極至尊次曰大至真尊次天覆地載陰陽真尊次供正真尊其事甚妙故啟叙其宗旨也蓋老子生於殷末在周為守藏史柱下史作為道書五千言其要在清淨理國立身之要出至後漢張道陵號天師闡揚其化周於四海者以顯其德凡天下寺總五千三百五十八所

三千二百四十五所僧一千一百一十三所尼每寺上座一人寺主一人都維

那一人共綱統衆事而僧持行者有三品其一曰禪二

曰法三曰律大抵皆以清靜慈悲為宗

釋氏之源秦漢已前未傳中土

至漢武元狩中遣將軍霍去病討匈奴設休屠王獲其祭天金人帝以為神列於甘泉宮金人率長丈餘不祭祀但燈香禮拜而已及至張騫使大夏聞其旁有身毒國一名天竺國有浮屠之教哀帝元壽元年受大月氏

王使浮屠經後漢明帝永平三年夜夢金人頂有白光
飛行殿庭乃訪羣臣侍中傅毅始以佛對於是帝遣郎
中蔡愔使於天竺國寫浮屠遺範愔乃與沙門迦華摩
騰竺法蘭東還洛陽中國有沙門及拜禮之法自此始
也惜得佛經四十二章及釋迦立像明帝令畫工圖佛
像置清涼臺及顯節陵上惜之還也以白馬負經漢因
立白馬寺於洛城雍門西浮屠正號曰佛陀譯之則為
靜覺所謂佛者本號釋迦文即天竺釋迦衛國王之子
於四月八日夜從母右脅而生有三十二相當周莊王
十年魯莊公七年夏四月恒星不見夜明是也以布施
持戒忍辱精進禪定智慧為宗所謂六
波羅密者也自齊梁之後其道彌尊

凡道士女道士

僧尼之簿籍亦三年一造

其籍一本送祠部一本送鴻臚一本留於州縣

凡道

士女道士衣服皆以木蘭青碧皂荊黃縹琅之色

若衣服俗衣

及羅綾乘大馬酒醉與人關打招引賓客占相吉凶以
三寶物餉饋官寮勾合朋黨者皆還俗若巡門教化
合婚姻飲酒食肉設食五辛作音樂博
戲毀罵三綱凌突長宿者皆苦役也
凡道觀三元日

千秋節日凡脩金錄明真等齋及僧寺別勅設齋應行

道官給料高祖神堯皇帝五月六日文穆皇后五月一日太宗文

武聖皇帝五月十六日文德聖皇后六月十一日高宗天皇帝

十二月四日大聖天后十一月十六日中宗孝和皇帝六月二日和思

皇后四月十七日睿宗大聖真皇帝六月十日昭成皇后正月二日皆廢

務凡廢務之忌若中宗已上京城七日行道外州三日
行道睿宗及昭成皇后之忌京城二七日行道外州

七日行道八代祖獻祖宣皇帝

十三日

宣莊皇后

六日七

代祖懿祖光皇帝

九月八日

光懿皇后

八月九日

皆不廢務六代

祖太祖景皇帝

九月十八日

景烈皇后

五月六日

五代祖代祖元

皇帝

四月二十四日

元真皇后

三月六日

孝敬皇帝

四月十五日

哀皇后

十二月二十日

皆不廢務京城一日設齋凡國忌日兩京定大

觀寺各二散齋諸道士女道士及僧尼皆集于齋所京

文武五品以上與清官七品已上皆集行香以退若外

州亦各定一觀一寺以散齋州縣官行香應設齋者蓋

八十有一州馬

謂四輔五府六雄十望曹濮兗齊豫徐陳青亳仙涼秦瀛貝邢恒冀定趙滄德

深博易相梁襄澤安綿梓遂眉邛果彭蜀漢潤趙常蘇杭婺衢湖宣洪潭廣桂隴邠涇等州是也其道士女道士僧凡行道散齋皆給香油炭料若官設齋道佛各施物三十五段供修理道佛寫一切經道士女道士僧尼各施錢十二文五品已上女及孫女出家者官齋行道皆聽不預若私家設齋道士女道士僧尼兼請不得過

四十人凡遠忌日雖不廢務然非軍務急切亦不舉事餘如常式

膳部郎中一人從五品上

後魏職品令太和改定百官都官尚書管左士郎北齊

河清令改左士郎為膳部隋亦號膳部郎皇朝為郎中龍朔二年為司膳大夫咸亨元年復故

員外郎一人從六品上

隋文帝置煬帝改為承務郎皇朝復為膳部員外郎龍朔咸亨

隨曹
改復

主事二人從九品上

膳部郎中員外郎掌邦之牲豆酒膳辦其品數凡郊祀
天地日月星辰嶽瀆享祭宗廟百神在京都者用牛羊
豕滌養之數省閱之儀皆載於廩犧之職焉若諸州祭
嶽鎮海瀆先代帝王以太牢州縣釋奠於孔宣父及祭
社稷以少牢其祈禳則以特牛凡郊祀天地日月星辰

獄瀆及享宗廟百神在京都者所用籩豆簋簠鉶俎
之數魚脯醢醢之味石鹽菜果之羞並載於太官之職
馬若諸州祭獄鎮海瀆及先代帝王籩豆各十簋簠各
二俎三州縣祭社稷釋奠每坐籩豆各八簋簠俎如上
其所實之物如京都之制凡祀闕所實之制並載
於良醞之職馬凡天下之珍闕之物多少之制封

檢之宜並載於尚食之職馬凡非因大禮不得獻食若
因大慶獻食及所司供進並不得用犢若犴羊至厨生

羔者放長生

若大齋日皆進素食其應用之羊亦放為長生

凡諸陵所有進獻

之饌並載於陵令之職焉凡親王已下常食料各有差

每日細白米二升粳米梁米各一斗五升粉一升油五升鹽一升半醋二升蜜三合粟一斗梨七顆蘇一合乾

棗一升木槿十根炭十斤葱薑豉蒜薑椒之類各有差每月給羊二十口猪肉六十斤魚三十頭各一尺酒九

斗三品已上常食料九盤

每日細米二升二合粳米八合麵二升四合酒一斤半羊

肉四分醬四合醋四合瓜三顆鹽豉葱薑葵韭之類各有差木槿春二分冬三分五釐炭春三斤冬五斤四

品五品常食料七盤

每日細米二升麵二升三合酒一升半羊肉三分瓜兩顆餘並同三

品若斷屠及決日停肉給油一合小豆三合三品已上亦同此

六品已下九品已上

常食料五盤

每日白米二升麴一升一合油三勺小豆一合醬三合醋三合豉鹽葵韭之類各有

差木槿春二分冬三分

凡諸王已下皆有小食料午時粥料各有

差復有設食料設會料每事皆加常食料又有節日食

料

謂寒日麥粥正月七日三月三日煎餅正月十五日晦日膏糜五月五日粽糗七月七日斫餅九月九日

麻葛糕十月一日黍臠皆有等差各有配食料

蕃客在館食料五等蕃客設食

料蕃客設會料各有等差焉

主客郎中一人從五品上

漢舊儀云尚書郎四人其一主匈奴單于營部蓋主客之

任也闕

客晉氏主客分為左右南北東晉省

宋置主客闕

因後魏職品令太和中吏部管

南主客北主客

開闕

各右主客北齊清河清令改
諸蕃雜客事隋開皇

為主客郎大業五年改為司蕃郎皇朝為主客
郎中龍朔二年改為司蕃大夫咸亨元年復故

員外郎一人從六品上

隋文帝置煬帝為承務郎皇朝
為主客員外郎龍朔咸亨隨曹

改復

主事二人從九品上

主客郎中員外郎掌二王後及諸蕃朝聘之事二王之

後鄧公

隋室
楊氏

介公

周室
宇文氏

凡四蕃之國經朝貢已後自

相誅絕及有罪見滅者蓋三百餘國今所在者有七十

餘蕃

謂三姓葛邏祿處蜜處同三姓咽蔑堅昆拔蕃蜜窟內有姓殺下突厥奚契丹達蕃靺鞨渤海靺鞨

室韋和解烏羅護烏素國達末婁達垢日本新羅大食吐蕃波斯拔汗那康國安國石國俱戰提救律國蜀賓

國東天竺西天竺南天竺北天竺中天竺吐火羅米國

火尋國骨咄國訶毗施國曹國拂菻國謝朶救時山屋

馱國師子國真臘國尸科佛誓國婆利國慈領國俱位

國林邑國跋窰國怛沒國怛國烏菴國迦葉彌羅國

無蜜心國蘇都瑟匿國史國俱蜜國于建國可薩國遏

曜國習阿薩般國龜茲國疎勒國于闐國焉耆國突騎

施等七十國各有其朝貢之儀享燕之數高下之等往

土境分為四蕃焉

來之命皆載於鴻臚之職焉

唐六典卷四

欽定四庫全書

史部

唐六典卷五至七

詳校官監察御史臣劉芬

編修臣程嘉謨覆勘

總校官庶吉士臣倉聖脉

校對官檢討臣龔大萬

謄錄監生臣杜成

謄錄監生臣黃大澄

欽定四庫全書

唐六典卷五

唐

張九齡等撰

尚書兵部

兵部尚書一人

侍郎二人

郎中二人

員外郎三人

主事四人

令史三十七人

書令史六十人

制書令史十三人

甲庫令史十二人

亭長八人

掌固十二人

職方郎中一人

員外郎一人

主事二人

令史四人

書令史九人

掌固四人

駕部郎中一人

員外郎一人

主事三人

令史十人

書令史二十四人

掌固四人

庫部郎中一人

員外郎一人

主事二人

令史七人

書令史十五人

掌固四人

兵部尚書一人正三品

周官夏官卿也漢置五曹未有主兵之任也魏始置五兵尚書

謂中兵外兵騎兵別兵都兵也晉太始中省五兵尚書太康中又置七兵尚書以舊五兵尚書中兵外兵分為左右東晉及宋又為五兵孝武大明二年又省之順帝昇明元年又置歷齊梁陳後魏北齊皆置五兵尚書後周依周官置大司馬卿一人隋改為兵部尚書皇朝因之龍朔二年改為司戎太常伯咸亨元年復為兵部尚書光宅元年改為夏官尚書神龍元年復故

侍郎二人正四品下

周官夏官小司馬中大夫也漢以來尚書侍郎今郎中之任也後周

依周官隋煬帝置兵部侍郎皇朝因之龍朔二年改為司戎少常伯咸亨元年復為兵部侍郎總章元年增置一員光宅神龍並隨曹改復

兵部尚書侍郎之職掌天下軍衛武官選授之政令凡
軍師卒戍之籍山川要害之圖廐牧甲仗之數悉以咨
之其屬有四一曰兵部二曰職方三曰駕部四曰庫部
尚書侍郎總其職務而奉行其制命凡中外百司之事
由於所屬咸質正焉凡選授之制每歲孟冬以三旬會
其人去王城五百里集於上旬千里之內集於中旬千
里之外集於下旬以三銓領其事一曰尚書銓二曰東
銓三曰西銓

尚書為中銓兩侍郎分為東西銓

以五等閱其人一曰長

朶二曰馬射三曰馬槍四曰步射五曰應對以三奇拔
其選一曰驍勇二曰材藝三曰可為統領之用其尤異
者登而任之否則量以退焉然後據其狀以覈之考其
能以進之所以錄深功拔奇藝備軍國綜勲賢也五品
已上皆奏聞而制授焉六品已下則量資注擬其在軍
鎮要籍不得赴選委節度使銓試具等第以申焉其三
奇五等之選有殊尤者得令宿衛其宿衛皆帶
本官以充其選人
有自文資入者取少壯六尺以上材藝超絕考試不堪

還送吏部凡官階注擬團甲進甲皆如吏部之制凡大選終於季春之月所以審名實之銓綜備戎仗之物數以戒軍令而振國容焉

郎中二人從五品上

周官大司馬屬官有軍司馬下大夫蓋郎中之任也魏有五兵郎曹

皆置郎中晉有七兵皆置郎中宋有中兵外兵騎兵元嘉已後省騎兵齊因之梁陳有左中兵右中兵左外兵右外兵騎兵郎曹皆置侍郎亦郎中任也後魏北齊有左中兵右中兵左外兵右外兵都兵郎曹並置郎中後周依周官隋初始置兵部郎曹置侍郎一人煬帝除侍郎又改為兵曹郎武德初依隋三年改為兵部郎中龍朔二年改為司戎大夫咸亨光宅神龍並隨曹改復

員外郎二人從六品上

周官大司馬屬官與司馬上士後周依馬蓋員外之任也隋開

皇六年置兵部員外郎煬帝改為兵曹丞務郎皇朝改為兵部員外郎龍朔二年改為司戎員外郎咸亨光宅

神龍並隨

曹改復

主事四人從八品下

隋煬帝初置為從九品下開元二十四年勅改為八品

郎中一人掌考武官之勲祿品命以二十有九階承而

叙馬從一品曰驃騎大將軍

漢有驃騎將軍霍去病後漢有東平王蒼魏有王景

晉有紀瞻王駿並為之齊職儀云驃騎品秩第二金章紫綬武冠絳朝服佩水蒼玉梁官品令雜號將軍一百

二十五分為二十四班班多者為貴驃騎班第二十四陳品第一秩中二千石後魏職品令第二後周驃騎大

將軍九命隋官品令驃騎正四
品皇朝定令為武散官從一品
正二品曰輔國大將軍

魏甲辰令晉官品令梁官品令輔國將軍並第三品
後魏從第三品後周七命隋從六品下皇朝改馬
從

二品曰鎮軍大將軍

魏志曰文帝以陳羣為鎮軍大將軍秩二十石晉公卿秩云楊駿胡

奮並領鎮軍將軍齊職儀云品第三
後周八命隋並六品下皇朝改馬
正三品曰冠軍大

將軍

史記曰楚義帝以宋義為卿子冠軍漢武帝以霍去病功冠三軍封冠軍侯其名起於此也魏以文

欽為冠軍將軍齊職儀云品秩第三晉令云金章紫綬
給五時服武冠佩水蒼玉梁令第三品陳品第四秩中

二千石隋令正六
品下皇朝改馬

懷化大將軍

皇朝所置
以授蕃官從三品曰雲

麾將軍

梁班第十八陳品
第四秩中二千石

歸德將軍

皇朝所置
以授蕃官正四品

上曰忠武將軍

梁班第十九陳品第四秩中二千石

正四品下曰壯武將

軍

梁大通三年又置二百四十二號將軍為四十四班壯武班第十六陳品第六秩二千石

從四品

上曰宣威將軍

皇朝所置

從四品下曰明威將軍

梁班第十後魏職

品令正六品上

正五品上曰定遠將軍

梁班第十二也諸將軍亦為二十四班止施於

外國定遠班第十二

正五品下曰寧遠將軍

梁官品令寧遠將軍正五品

從五

品上曰游騎將軍

魏甲辰令游騎將軍第四品陳秩二千石

從五品下曰游

擊將軍

漢書曰武帝以蘇建韓說為游擊將軍晉官品令游擊將軍

軍四品陳秩二千石

正六品上曰昭武校尉下曰昭武副尉從六

品上曰振威校尉下曰振威副尉正七品上曰致果校尉下曰致果副尉從七品上曰翊麾校尉下曰翊麾副尉正八品上曰宣節校尉下曰宣節副尉從八品上曰禦武校尉下曰禦武副尉正九品上曰仁勇校尉下曰仁勇副尉從九品上曰陪戎校尉下曰陪戎副尉

漢書百官表校尉皆二千石武帝置隋朝改為散官皇朝因之凡懷化歸德將軍量配

於諸衛上下其餘並兵部定其番第

五百里內七番一千里內八番二千

里內十番二千里外十二番並一月上四品已下九品已上於兵部上下五百里內四番一千里內五番二千

里內六番二千五百里七番三千里內八番各一季上三千里外免番隨須追集也番滿者六品

已下並聽預簡選量其才能或留本司或送吏部五品已上者則奏聞凡叙階之法一如文散官之制凡天下之府五百九十有四有上中下並載於諸衛之職凡應宿衛官各從番第諸衛將軍中郎將郎將及諸衛率副率千牛備身備身左右太子千牛并長上折衝果毅應宿衛者並一日上兩日下諸色長上若司階中候司戈執戟並五日上十日下諸應外職掌押當及分司者則

年支馬若左右羽林將軍每夜各一人更直中郎將郎

將亦如之長人長上每日上隨仗下

長人取六尺六寸已上厚濶者四十

人分左右監門衛滿四考依出身例授武散官依舊長上

蕃人任武官者並免入宿

任三衛者配元武門上一日上兩日下配南衙者長番

每年一月上凡千牛備身備身左右及太子千牛皆取

三品已上職事官子孫四品清官子儀容端正武藝可

稱者充五考本司隨文武簡試聽選

如階應入武品折其一考四品謂諸

司侍郎左
右庶子

凡殿中省進馬取左右衛三衛高蔭簡儀容

可觀者補充分為三番上下考第簡試同牛牛例僕寺

進馬亦如之凡勲官十有二等

並載於司勲之職

皆量其遠邇

以定其番第

五百里內五番一千里內七番一千五百里內八番二千里內十番二千里外十二

番各一月上每上或分配諸司上州及都督府番別各聽留六十人中州四十五人下州三十五人分配監當城門倉庫亦量於數內通融配給當州人少者任取五十已上五十九已下及輕疾丁充並五番上皆一月

五品已上四年七品已上五年多至八年年滿簡送吏

部不第者如初無文聽以武選凡左右衛親衛勲衛翊

衛及左右率府親勲翊衛及諸衛之翊衛通謂之三衛

擇其資蔭高者為親衛

取三品已上子二品已上孫為之

其次者為勳

衛及率府之親衛

四品子三品孫二品已上之曾孫為之

又次者為翊衛

及率府之勳衛

四品孫職事五品子孫三品曾孫若勳官三品有封者及國公之子為之

又

次者為諸衛及率府之翊衛

五品已上并柱國若有封爵兼帶職事官為之

又

次者為王府執仗執乘

散官五品已上子孫為之

凡三衛皆限年二

十歲已上每歲十一月已後本州申兵部團甲進甲盡正

月畢

其入衛雜配並注甲長定不得移改

量遠邇以定其番第

五百里內五番一千

里內七番一千里外八番各一月上三千里外九番各倍其月

應補之人周親已上有

犯刑戮者配令兵部上下凡諸衛及率府三衛貫京兆

河南蒲同華岐陝懷汝鄭等州皆令番上餘州止納資

而已

應納資者每年九月一日於本貫及
寄住處輸納本貫挾名錄申兵部

凡左右衛之

三衛分為五仗一曰親仗二曰供奉仗三曰勲仗四曰

翊仗五曰散手仗每月各配三十六人而上下焉其五

仗上下及引駕細引考以五左右衛之他職掌及左右

率府之勲衛考以六

左右率府之三衛帖
五仗上下者亦五考

諸衛及率府

之翊衛考以八考滿兵部校試有文堪時務則送吏部

無文則加其年階以本色遷授若有才用考內得補主

帥及監門校尉直及凡左右衛左右率府三衛經三考

已上者得補引駕細引考滿簡試如三衛

三衛違蕃者徵資一千五

百丈仍勒陪審有故者免徵資三番不到注里毀奪告身有故者亦陪審

凡王公已下皆有

親事帳內

六品七品子為親事八品九品子為帳內

限年十八已上舉諸州

率萬人已上充之

親王嗣王郡王開府儀同三司及三品已上官帶勳者差以給之並本貫

納其資課皆從金部給付

皆限十周年則聽其簡試文理高者送吏

部其餘留本司全下者退還本邑凡兵士隸衛各有其

名左右衛曰驍騎左右驍衛曰豹騎左右武衛曰熊渠
左右威衛曰羽林左右領軍衛曰豹騎左右金吾衛曰
依飛東官左右衛率府曰射乘左右司禦率府曰旅賁
左右清道率府曰直盪總名為衛士皆取六品已下子
孫及白丁無職役者點充凡三年一簡點成丁而入六
十而免量其遠邇以定番第百里內五番五百里外七
番一千里外八番各一月
上二千里外九番倍其月上若凡衛士各立名簿具三
征行之鎮守者免番而遣之
年已來征防若差遣仍定優劣為三等每年正月十日

送本府印訖仍錄一通送本衛若有差行上番折衝府

據簿而發之

若征行及使經兩番已上者免兩番兩番已上者並二番其不免番還日即當番者

免上番凡差衛上征戍鎮防亦有團伍其善弓馬者為越

騎團餘為步兵團主帥已下統領之火十人有六馱馬

若無馬鄉任備驢騾及牛

若父兄子弟不併遣之若祖父母父母老

疾無兼丁免征行及番上其居常則皆習射唱大角歌

番集之日府官率而課試凡左右金吾衛有角手諸衛

有弩手左右羽林軍有飛騎及左右萬騎驢騎天下諸

軍有健兒

舊健兒在軍皆有年限更來往頗為勞弊開元二十五年勅以為天下無虞宜與人休息

自今已後諸軍鎮量閭閻利害置兵防健兒於諸色征行人內及客戶中召募取丁壯情願充健兒長住邊軍者每年加常例給賜並給永年優復其家口情願同去者聽至軍州各給田地屋宅人賴其利中外獲安是後州郡之間永無徵發之役矣皆定其籍之多少與其番之上下

其所取人

並具於本衛

每季上中書門下凡關內團結兵京兆府六千

三百二十七人同州六千七百三十六人華州五千二

百二十三人蒲州二千七百三十五人

選丁戶殷贍身材強壯者充之

免其征賦仍許在家常習弓天每年差使依時就試

秦成岷渭河蘭六州有高麗

羌兵

皆令當州上佐一人專知統押每年兩度教練使知部伍如有警急即令赴援諸州城傍子弟亦常

令教習每年秋集本軍春則放散

黎雅松翼茂五州有鎮防團結兵

並領

刺史自押領若須防遏即以上佐及武官充

凡天下諸州差兵募取戶殷丁

多人材驍勇選前資官勲官部分強明堪統攝者節級權補主帥以領之其義征者別為行伍不入募人之營凡軍行器物皆於當州分給之如不足則自備貧富必以均焉凡諸州諸府應行兵馬之名簿器物之多少皆申兵部軍散之日亦錄其存亡多少以申而勘會之凡

諸道廻兵糧糈之物衣資之費皆所在州縣分而給之
郎中一人掌判簿以總軍戎差遣之名數凡天下之節
度使有八其一曰關內朔方節度使其統有單于安北
東受降城中受降城西受降城豐安軍定遠城皆屬焉
其二曰河東節度使其統有大同橫野奇嵐三軍雲州
守捉使屬焉其三曰河北幽州節度使其統有經略平
盧靜塞威武清夷橫海高陽唐興恒陽北平十軍安東
鎮守渝關守捉北平守捉三使屬焉其四曰河西節度使

其統有赤水大斗建康玉門墨離豆盧六軍新泉守捉
甘州守捉肅州鎮守三使屬焉其五曰隴右節度使其
統有臨洮河源白水安人積石莫門振武七軍平夷五
門富耳藍州平戎綏和五守捉使皆屬焉其六曰劍南
節度使其統有昆明軍松州當州防禦邛崃守捉姚雋
州經略四使屬焉其七曰磧西節度使其統有安西疎
勒于闐焉耆為四鎮經略使又有伊吾瀚海二軍西州
鎮守使屬焉其八曰嶺南節度使其統有廣桂邕容安

南等五府經略使若諸州在節度內者皆受節度焉其
福州經略使登州平海軍則不在節度之內凡親王總
戎則曰元帥文武官總統者則曰總管以奉使言之則
曰節度使有大使焉有副大使焉有副使焉有判官焉
若大使加旌節以統軍置木契以行動凡將帥出征兵
滿一萬人已上置長史司馬倉曹胄曹兵曹參軍各一
人五千人已上減司馬諸軍各置使一人五千人已上
置副使一人萬人已上置營田副使一人每軍皆有倉

曹兵曹曹參軍各一人

赤水臨洮河源等軍加曹曹參軍一人朔方五城各加曹

曹參軍一人

其橫海高陽唐興恒陽北平等五軍皆本州刺

史為使

其兵各一萬人十月已後募分為三番教習五千

人以果毅充五百人置押官一人別將及鎮戎官充

凡鎮皆有使一人副使一人

萬人已上置司馬倉曹兵曹參軍各一人五千人已下

減司馬凡諸軍鎮每五百人置押官一人一千人置子

總管一人五千人置總管一人凡諸軍鎮使副使已上

皆四年一替總管已上六年一替押官隨兵交替

副使總管

取折衝已上官充子將
已上取果毅已上充

凡諸軍鎮大使副使已上皆有

僉人別奏以為之使大使三品已上僉二十五人別奏

十人

四品五品僉遞減五人別奏遞減二人

副使三品已上僉二十人別

奏八人

四品五品僉遞減二人別奏遞減二人

總管三品已上僉十八人

別奏六人

四品五品僉遞減三人別奏遞減二人

子總管四品已上僉十

一人別奏三人

五品六品僉遞減二人別奏遞減一人

若討擊防禦遊奕

使副使僉准品各減三人別奏各減二人總管及子總

管僉准品各減二人別奏各減一人若鎮守已下無副

使或隸屬大軍鎮者使已下僭奏並四分減一所補僭

奏皆令自召以充

若府鎮戍正員官及飛騎三衛衛士邊州白丁皆不在取限

凡車

駕在京即東都南北衙皆置左右屯營別立使以充之

若車駕在都則京城亦如之

北都准此

凡大將出征皆告廟

授斧鉞辭齊太公廟辭訖不反宿於家臨軍對寇士卒

不用命並得專行其罰既捷及軍未散皆會衆而書勞

與其費用執俘折馘之數皆露布以聞乃告太廟元帥

凱旋之日天子遣使郊勞有司先獻捷於太廟又告齊

太公廟

諸軍將若須入朝奏事則先狀奏聞

員外郎一人掌貢舉及諸雜請之事凡應舉之人有謀

略

謂糊

才藝

謂有勇技

平射

謂善能令矢發平直

十發五中

五居其次為上第三中七居其

次為

筒射

謂善及遠而

中十發四

中六居其次為上第

三

中七居其次為下第不及此者為不第

下第

三

中七居其次為下第不及此者為不第

下第

皆待命以舉非有常也若州府歲貢皆孟冬隨朝集使

以至省勘責文狀而引試焉亦與計科偕有二科一曰

平射

試射長垛三十發

不出第三院為第

二

曰武舉其試用有七

一

曰射

試射長垛三十發

不出第三院為第

二

曰武舉其試用有七

長垛

入中院為上

入次院

為次上入外院為次

二

曰騎射

發而並

中為上或

中或不中為次上

中或不中為次上

中或不中為次上

總不中
為次

三曰馬槍

三板四板為上二板為次上一板及不中為次

四曰步射射

草人

中者為次上雖中而不中者為次

五曰材質

以身長六尺已上者為次上已

下為次

六曰言語

有神彩堪充領者為次上無者為次

七曰舉重

謂翹關率以五次為

上皆試其高第者以奏聞其科第之優劣

謂平射筒射之上第者前

資見任見選聽減一次上與官勲散衛官五品已上官
子孫帖仗二年而選次第者其應選則擬資優直處分
應帖仗則三年而選庶人之上等亦帖仗其年比次第
庶人次第又加二年武貢之第者勲官五品已上并三
衛執仗乘若品子年考已滿者並放選勲官六品已上
并應宿衛人及品子五考已上者並授散官謂軍士戰
官令並帖仗
然後授散官勲獲之等級
謂軍士戰功之等級若牢城
若戰第一等酬勲三轉第二

第三等差減一轉凡破城陣以少擊多為上陣數略相當為中陣以多擊少為下陣轉倍以上為多少常據賊數以十分率之殺獲四分已上為上獲二分已上為中獲一分已上為下獲凡上陣上獲第一等酬勲五轉上陣中獲中陣上獲第一等酬勲四轉上陣下獲中陣中獲下陣上獲第一等酬勲三轉其第二第三等各遞降一轉中限下獲下陣中獲第一等酬勲兩轉第二等三等并下陣下獲各酬勲一轉其雖破城陣殺獲不成分者三等陣各酬勲一轉其跳盪功不在降限凡臨陣對寇矢石未交先鋒挺入賊徒因而破者為跳盪其次先鋒為降者為降功凡酬功者見任前資常選為上資文武散官衛官勲官五品已上為次資五品子孫上柱國柱國子勲官六品已下諸色有番考人為下資白丁衛士雜色人為無資凡跳盪人上資加兩階即優與處分應入三品五品不限官考次資即優與處分下資優與處分無資稍優與處分其殊功第一等上資加一階優

與處分應入三品五品減四考次資優與處分下資稍優與處分無資放選殊功第二等上資優與處分次資稍優與處分下資放選無資常勲外加三轉殊功第三等上資稍優與處分次資放選下資應簡日放選無資常勲外加兩轉若破國王勝事愈常格或斬將奪旗功效尤異雖不合格並委軍將臨時錄奏皆審其實而授叙焉

員外郎一人掌選院謂之南曹每歲選入有解狀簿書資歷考課必由之以覈其實乃上三銓進甲則署焉

職方郎中一人從五品上

周禮下官有職方氏中大夫之職掌天下之地圖主四方

之職貢職方郎中之任也後周依周官隋開皇初始置職方侍郎一人煬帝曰職方郎武德三年加中字至龍

朔二年改為司城大
夫咸亨元年復故

員外郎一人從六品上

周禮夏官有職方上士後周依
周官隋開皇六年置員外郎一

人煬帝改曰承務郎皇朝為職方
員外郎龍朔咸亨並隨曹改復

主事二人從九品上

職方郎中員外郎掌天下之地圖及城隍鎮戍烽候之
數辨其邦國都鄙之遠邇及四夷之歸化者凡地圖委
州府三年一造與板籍偕上省其外夷每有番客到京
委鴻臚訊其人本國山川風土為圖以奏焉副上於省

其五方之區域都鄙之廢置疆場之爭訟者舉而正之

凡天下之上鎮二十中鎮九十下鎮一百三十有五上

戌十有一中戌八十有六下戌二百三十有五凡烽候

所置大率相去三十里

若有山岡隔絕須逐便安置其得相望見不必要限三十里

逼邊境者築城以置之每烽置帥一人副一人

其放烽有一炬

二炬三炬四炬者隨賊多少而為差焉舊闕內京畿河

東河北皆置烽開元二十五年勅以邊隅無事寰宇又

安內地置烽誠為非要量停近甸烽二百凡州縣城門

六十所計烽帥等一千三百八十八人及倉庫門須守當者取中男及殘疾人均為番第以充

而免其徭賦焉

若修理廨宇及園廚亦聽量使

駕部郎中一人從五品上

周禮夏官屬有與司馬之職蓋駕部之任也魏氏始置駕

部郎曹歷晉宋齊後魏北齊並為駕部郎中梁陳為駕部侍郎後周夏官府有駕部中大夫一人隋文帝改為駕部侍郎煬帝曰駕部郎宋齊左民尚書領駕部梁陳左民部尚書領駕部後魏北齊殿中尚書領駕部隋則兵部領焉皇朝因之武德三年加中字龍朔二年改曰司輿大夫咸亨元年復故

員外郎一人從六品上

周禮夏官卿有與司馬上士後周夏官府小駕部上士一人蓋

駕部員外郎之任也隋開皇六年置煬帝改曰承務郎皇朝為駕部員外郎龍朔咸亨並隨曹改復

主事三人從九品上

駕部郎中員外郎掌邦國之輿輦車乘及天下之傳驛
廐牧官私馬牛雜畜之簿籍辨其出入關逸之政令司
其名數凡三十里一驛天下凡一千六百三十有九所

二百六十所水驛一千二百九十七所陸驛八十六所
水陸相兼若地勢險阻及須依水草不必三十里每驛
皆置驛長一人量驛之閑要以定其馬數都亭七十五
疋諸道之第一等減都亭之十五第二等第三等以十五
為差第四減十二第五減六第六減四其馬官給有山
阪險峻之處及江南嶺南暑濕不宜大馬處兼置蜀馬
凡水驛亦量事閑要以置船事繁者每驛四隻閑者三
隻更閑者二隻凡馬三疋給丁一人船一給丁三人凡
驛皆給錢以資之什物並皆為市凡乘驛者在京於門
下給券在外於留守及諸軍州給券若乘驛經留守及

五軍都督府過者長官牌署若不應給者隨即停之

而監牧六十有五馬皆分使

而統之

南使十五監西使十六監北使七監東使九監鹽州使八監嵐州使三監則廐牧及諸司馬牛

雜畜各隸於籍帳以時受而歲之

若畜養之宜孳生之數皆載於太僕

之職凡諸衛有承直之馬

諸衛每日置承直馬八十匹以備雜使諸衛官諸州府馬

每月常差赴京都為承直諸府常備其數甚多開元二十五年勅以為天下無事勞費頗煩宜隨京都近便量留三千疋充扈從及街

凡諸司有備運之車

諸司皆置車牛以備

通運之事司農等車一千二十一乘將作監三百四十五乘殿中省尚乘局一百乘少府監六十三乘太常寺一十四乘國子監二十乘太僕寺一十乘光祿寺二十乘衛尉寺十乘太府寺六乘左右衛各二乘左右驍衛

各一乘左右武衛各一乘左右威衛各一乘左右監門衛各二乘左
衛各一乘左右金吾衛各一乘左右羽林軍各三乘家令寺一百八十乘左右僕寺二十
六乘左右衛率府各一乘牛皆倍之其過倍者則充營
田不足者則單駕開元二十
二年物量減六百餘頭乘
皆審其制以定數焉

庫部郎中一人從五品上

周禮夏官有司甲下大夫為
司戈盾弓矢之長各辨其物

以待軍事今庫部郎中之任也魏氏始置庫部郎曹歷
晉宋齊後魏北齊並有庫部郎中梁陳為侍郎後周夏
官府有武藏中大夫一人隋文帝為庫部侍郎煬帝曰
庫部郎宋齊梁陳並都官尚書領庫部後魏北齊度支
尚書領隋則兵部尚書領焉武德三年加中
字龍朔二年改為司庫大夫咸亨元年復故

員外郎一人從六品上

周禮夏官卿有司兵中士後周
有小武藏下大夫一人蓋今庫

部員外郎之任也隋開皇六年置煬帝改曰承務郎皇朝為庫部員外郎龍朔咸亨隨曹改復

主事二人從九品上

庫部郎中員外郎掌邦國軍州之戎器儀仗及冬至元正之陳設并祠祭喪葬之羽儀諸軍州之甲仗皆辨其出入之數量其繕造之功以分給焉

唐六典卷五

欽定四庫全書

唐六典卷六

唐 張九齡等 撰

尚書刑部

刑部尚書一人

侍郎一人

郎中二人

員外郎二人

主事四人

令史十九人

書令史三十八人

亭長六人

掌固十人

都官郎中一人

員外郎一人

主事二人

令史九人

書令史十二人

掌固四人

比部郎中一人

員外郎一人

主事四人

令史十四人

書令史二十七人

計史一人

掌固四人

司門郎中一人

員外郎一人

主事二人

令史六人

書令史十三人

掌固四人

刑部尚書一人正三品

周之秋官卿也漢成帝始置三公曹主斷獄事後漢以三公曹

掌天下歲盡集課事又以二千石曹主中都官水火盜賊辭訟罪法事晉初依漢置三公尚書掌刑獄太康中省三公尚書以吏部尚書兼領刑獄宋始置都官尚書掌京師非遠得失事兼掌刑獄齊梁陳後魏北齊皆置都官尚書後周依周官置大司寇卿一人隋初曰都官尚書開皇三年改為刑部皇朝因之龍朔二年改為司刑太常伯咸亨元年復為刑部光宅元年改為秋官尚書神龍元年復故

侍郎一人正四品下

周之秋官小司寇中大夫也漢以來尚書侍郎今郎中之任後周依

周官隋煬帝置刑部侍郎皇朝因之龍朔二年改為司刑少常伯咸亨光宅神龍並隨曹改復

刑部尚書侍郎之職掌天下刑法及徒隸句覆關禁之

政令其屬有四一曰刑部二曰都官三曰比部四曰司

門尚書侍郎總其職務而行其制命凡中外百司之事
由於所屬咸質正焉

郎中二人從五品上

周禮大司寇屬官有士師下大夫蓋郎中之任也後漢有二十石曹

尚書掌刑法因立一千石郎曹魏晉宋齊並以三公郎曹掌刑獄置郎中各一人梁陳因為侍郎後魏北齊三公郎中各置二人後周秋官府有小刑部小大夫一人隋初省三公曹置刑部郎曹掌刑法置侍郎一人煬帝除侍字又改為憲部郎皇朝因之武德三年改曰刑部郎中龍朔二年改為司刑大夫咸亨光宅神龍並隨曹

復改

員外郎二人從六品上

周禮大司寇屬官有上士後周依焉蓋員外之任也隋開皇六

年置刑部員外郎煬帝改為憲部承務郎皇朝因之武
德三年改曰刑部員外郎龍朔咸亨光宅神龍並隨曹
復改

主事四人從九品上

郎中員外郎掌貳尚書侍郎舉其典憲而辨其輕重凡
文法之名有四一曰律二曰令三曰格四曰式凡律一
十有二章一曰名例二曰衛禁三曰職制四曰戶婚五
曰廩庫六曰擅興七曰賊盜八曰鬪訟九曰詐僞十曰
雜律十一曰捕亡十二曰斷獄而大凡五百條焉

律法也

文侯師李悝集諸國刑書造法經六篇一盜法二賊法
三因法四捕法五集法六具法商鞅傳之改法為律以
相秦增相坐之法造參夷之誅大辟加鑿顛抽脅鑊烹
車裂之制至漢蕭何加悝所造戶興廐三篇謂之九章
九律漢興雖約法三章然大辟尚有夷三族之令當族
者皆先黥面斬左右趾笞殺之梟其首徂骨肉於其市
誹謗詈詛又先斷其舌謂之具五刑至文帝感鯁繫之
言除肉刑命丞相御史定律曰諸當髡者為城旦舂當
黥者加鉗為城旦舂當劓者笞三百籍笞當斬左趾者
笞五百籍笞當斬右趾及殺人先自告及吏坐受賊枉
法守縣官財物而即盜之已論而復有笞罪者皆棄市
罪人獄已決髡為城旦舂滿三歲為鬼薪白粲鬼薪白
粲一歲為隸臣妾隸臣妾一歲免為庶人鬼薪白粲滿
三歲為隸臣妾隸臣妾滿二歲為司寇司寇一歲及作
如司寇二歲皆免為庶人其亡逃及有罪耐已上不用
此令是後外有輕刑之名內實殺人而笞五百笞三百

率多至死至景帝定律笞五百曰三百笞三百曰二百
猶尚不全又減笞三百曰二百笞二百曰一百遂定箠
令以竹為之箠長五尺其本大一寸末薄半寸皆平其
節當笞者笞醫無得更人畢一罪乃更人自是得全至
武帝時張湯趙禹增律令科條大辟四百九條宣帝時
于定國入刪定律令科條成帝時律令煩多百有餘萬
言大辟之罪千有餘條至後漢馬融鄭玄諸儒十有餘
家律令章句數十萬言定斷罪所用者合二萬六千餘
條魏武為相造中子科條犯斬左右趾易以木械魏氏
受命參議復肉刑屬軍國多故竟寢之乃命陳羣等採
漢律為魏律十八篇增漢蕭何律劫掠詐偽毀亡告劾
繫訊斷獄請賊驚事償贓等九篇也依古義制為五刑
其大辟有三髡刑有四完刑作刑各三贖刑十一罰金
六雜抵罪七凡三十七名晉氏受命議復肉刑復寢之
命賈充等十四人增損漢魏律為二十篇一刑名二法
例三盜律四賊律五詐偽六請賊七告劾八捕律九繫

訊十斷獄十一雜律十二戶律十三擅興律十四毀
十五衛宮十六水火十七廐律十八關市十九違制二
十諸侯凡一千五百三十條其刑名之制大辟之刑有
三一曰梟二曰斬三曰棄市斃刑有四一曰斃鉗五歲
刑罰二百二曰四歲刑三曰三歲刑四曰二歲刑贖死
金二斤贖五歲刑金一斤十二兩四歲三歲二歲各以
四兩為差又有雜抵罪罰金十二兩八兩四兩二兩一
兩之差棄市以上為死罪二歲死以上為耐罪罰金一
兩以上為贖罪宋及南齊律之篇目及刑名之制畧同
晉氏唯贖罪絹魚川之梁氏受命命蔡法度沈約等十
人增損晉律為二十篇一刑名二法例三盜劫四賊叛
五詐偽六受賕七告劾八討捕九繫訊十斷獄十一雜
律十二戶律十三擅興十四毀亡十五衛宮十六水火
十七倉庫十八廐律十九關市二十違制大凡定罪二
千五百二十九條其刑名之制加晉律一歲刑半歲刑
百日刑鞭杖二百鞭杖一百鞭杖五十三十一之差

又加杖八等之差其鞭有制鞭法鞭常鞭三等之差制
鞭生革廉成法鞭生革去廉常鞭熟韃不去廉杖有大
杖法杖小杖皆用生荆其犯劫皆斬會赦降死者驢面
為劫字髡鉗補治鎖士終身陳令范泉徐陵等參定律
令律三十卷令三十卷科三十卷採酌前代條流冗雜
綱目雖多博而非要其制唯重請議禁錮之科其罪人
贓驗昭然而不款則上測立立測者以土為塚高一尺
上員方容內兩足立鞭二十笞三十記著兩械及至上
塚一上測七刻日再上三七日上測七日一行鞭凡經
鞭杖一百五十得實不承者得減罪論凡囚鞭杖著械
徒著鎖死著三械加壺手依梁氏後魏初置四部大人
坐庭決辭訟以言語約束刻契記事與刑名之制至太
武帝始命崔浩定刑名於漢魏以來律除髡鉗五歲四
歲刑增二歲刑大辟有輶腰斬殊死棄市四等凡三百
九十條門房誅四條大辟一百四十條五刑二百三十
一條始置枷拘罪人文成時又增律條章至孝文時定

律凡八百三十三章門房之誅十有六大辟之罪二百
三十五刑三百七十七北齊初命造新律未成文宣猶
採魏制性忍暴恣行酷虐訊因用車輻壓蹠或使臂貫
燒車釘或使立燒犁耳上常命憲司先定死罪因置仗
衛內帝欲殺人執以應命謂之供御因至武成時趙郡
王叡等造律成奏上凡十二篇一名例二禁衛三戶婚
四擅興五違制六詐偽七鬪訟八盜賊九捕斷十毀損
十一廐牧十二雜律凡定罪凡四百四十九條大抵採魏
晉故事其制刑名五一曰死重者輟之其次梟首其次
斬其次絞二曰流刑鞭笞各一百髡之投邊裔未有道
里之差以六年為限三曰刑罪即耐罪也有五歲四歲
三歲二歲一歲之差凡五等各加鞭一百其五歲者又
加笞八十四歲六十三歲三十二歲二十一歲無笞並
鎖輸左校四曰鞭有一百八十六十五十四十之差凡
五等五曰杖有三十二十一十之差凡三等贖罪舊以
金晉代以中絹罪刑年者鎖無鎖以枷流罪已上加杻

械死罪桁之又制立重罪十條為十惡後周命趙肅等
造律保定中奏之凡二十五篇一刑名二法例三祠享
四朝會五婚姻六戶禁七水火八興繕九衛宮十市廛
十一關競十二劫盜十三賊叛十四毀亡十五違制十
六開市十七諸候十八廐牧十九雜犯二十詐偽二十
一請求二十二告劾二十三逃亡二十四繫訊二十五
斷獄大凡定罪一千五百三十七條比於齊律煩而不
當其刑名之制一曰杖刑五百至五十曰鞭刑五
自六十至于百三曰徒刑五徒一年者鞭六十笞十二
年三年四年五年皆遞加一十至鞭一百笞五十四
流刑五流二十五百里者鞭一百笞六十以五百里為
差鞭笞皆加十至流曰千五百里者鞭笞各一百以六
年為限死刑五一曰磔二曰絞三曰斬四曰梟五曰裂
五刑之屬各有五合二十五等其贖罪金絹兼用凡因
死罪枷而笞流罪枷而梏徒罪枷鞭罪桎杖罪散至武
帝又造刑書要制與律兼行至宣帝殘酷廣刑經要制

為刑經聖制謂之法經有上書字誤鞭二百四十名曰
天杖又作礮礮車以威婦人隋開皇元年命高頴等七
人定律至三年又敕蘇威牛弘刑定凡十二篇並蠲除
前代梟首輅裂及鞭刑又依北齊置十惡應贖者皆以
銅代絹煬帝以開皇律令猶重除十惡之條更制大業
律凡十八篇一名例二衛宮三違制四請求五戶六婚
七擅興八告劾九賊十盜十一鬪十二捕亡十三倉庫
十四廩牧十五關市十六雜十七詐偽十八斷獄其五
刑之內降從輕典者二百餘條末年嚴刻生殺任情不
復依例及楊玄感反誅九族復行輅裂梟首礮而射之
皇朝武德中命裴寂殷開山等定律令其篇目一准隋
開皇之律刑名之制又亦畧同唯三流皆加一千里居
作三年二年半二年皆為一年以此為異又除苛細五
十三條貞觀初有蜀王法曹參軍裴弘獻奏駁律令不
便於時三十餘條於時又命長孫無忌房玄齡等釐正
凡為五百條減開皇律大辟入流者九十三條比古死

刑殆除其半永徽中復撰律疏三十卷至今並行

凡令二十有七分為三十卷

一曰

官品

分為上下

二曰三師三公臺省職員三曰寺監職員四

曰衛府職員五曰東宮王府職員六曰州縣鎮戍嶽瀆

關津職員七曰内外命婦職員八曰祠九曰戶十曰選

舉十一曰考課十二曰宮衛十三曰軍防十四曰衣服

十五曰儀制十六曰鹵簿

分為上下

十七曰公式

分為上下

十八

曰田十九曰賦役二十曰倉庫二十一曰廐牧二十二

曰關市二十三曰醫疾二十四曰獄官二十五曰營繕

二十六曰喪葬二十七曰雜令而大凡一千五百四十

有六條焉

令教也命也漢書杜周曰後主所是著為令前主所是疏為律亦謂法也漢時決事集為

令甲以下三百餘篇漢初蕭何定律令其後張湯趙禹于定國黃霸皆繼定律令魏命陳羣等撰州郡令四十
五篇尚書官令軍中令合百八十餘篇晉命賈充等撰
令四十篇一戶二學三貢士四官品五吏員六俸廩七
服制八祠九戶調十佃十一復除十二關市十三捕亡
十四獄官十五鞭杖十六醫藥疾病十七喪葬十八雜
上十九雜中二十雜下二十一門下散騎中書二十二
尚書二十三三臺秘書二十四王公侯二十五軍吏員
二十六選吏二十七選將二十八選雜士二十九官衛
三十贖三十一軍戰三十二軍水戰三十三至三十八
皆軍法三十九四十皆雜法宋齊畧同晉氏梁初命蔡
法度等撰梁令三十篇一戶二學三貢士贈官四官品

五吏員六服制七祠八戶調九公田公用儀迎十醫藥
疾病十一復除十二閭市十三劫賊水火十四捕亡十
五獄官十六鞭杖十七喪葬十八雜上十九雜中二十
雜下二十一官衛二十二門下散騎中書二十三尚書
二十四三臺秘書二十五王公侯二十六選吏二十七
選將二十八選雜士二十九軍吏三十軍賞後魏初命
崔浩定令後命游雅等成之史失篇目北齊令趙郡王
廠等撰令五十卷取尚書二十八曹為其篇名又撰權
令二卷兩令並行後周命趙肅拓拔迪定令史失篇目
隋開皇命高穎等撰三十卷一官品上二官品下三諸
省臺職員四諸寺職員五諸衛職員六東宮職員七行
臺諸監職員八諸州郡縣鎮戍職員九命婦品員十祠
十一戶十二學十三選舉十四封爵俸廩十五考課十
六宮衛軍防十七衣服十八鹵簿上十九鹵簿下二十
儀制二十一公式上二十二公式下二十三田二十四
賦役二十五倉庫廩牧二十六閭市二十七假寧二十

八獄官二十九志葬三十雖皇朝之令武德中裴寂等與律同時撰至貞觀初又令房玄齡等刊定麟德中源直心儀鳳中劉仁軌垂拱初裴居道神龍初蘇瓌太極初岑義開元初姚元崇四年宋璟並刊定

凡格

二十有四篇

以尚書省諸曹為之目其為七卷其曹之常務但留本司者別為留司格一卷蓋編

錄當時制敕永為法則以為故事漢建武有律令故事上中下三篇皆刑法制度也晉賈充等撰律令兼刪定當時制詔之條為故事三十卷與律令並行梁易故事為梁科三十卷蔡法度所刪定陳依梁後魏以格代科於麟趾殿刪定名為麟趾格北齊因魏立格撰權格與律令並行皇朝貞觀格十八卷房玄齡等刪定永徽留司格十八卷散頒格七卷長孫無忌等刪定永徽中又令源直心等刪定唯改易官號曹局之名不易篇第永徽留司格後本劉仁軌等刪定垂拱留司格六卷散頒格二卷裴居道等刪定太極格十卷岑義等刪定開元

前格十卷姚元崇等刪定開元後格十卷宋
璟等刪定皆以尚書省二十四司為篇名
比式三十

有三篇

亦以尚書省刑曹及秘書太常司農光祿太僕
太府少府及監門宿衛計帳為其篇目凡三十

三篇為二十卷後周文帝初輔魏政大統元年令有司
斟酌今古通變可以益時者為二十四條之制七年又
下有十二條之制十年命尚書蘇綽總三十六條更損
益為五卷謂之大統式皇朝永徽式十四卷垂拱神龍
開元式並二十卷其刪
定與定格令人同也
凡律以正刑定罪令以設範立

制格以禁違正邪式以軌物程事乃立刑名之制五焉

一曰笞二曰杖三曰徒四曰流五曰死笞刑五

笞十至
五十也

杖刑五

杖六十至于百其工樂戶及冒天文及官戶奴
婢等犯流罪者及家無兼丁犯徒者各決二百

故又犯罪已發更重犯累決者計數雖多亦不過二百

徒刑五

自徒一年以半為差至於三年也

流刑三

自流二千里二千五百里三千里三流皆役一年然後編所在為戶而常流之外更有加役流

者本犯刑武德中改為斷趾貞觀六年改為加役流謂常流唯役一年此流役三年故以加役名焉死刑

二

絞

乃立十惡以懲叛逆禁淫亂沮不孝威不道其一

曰謀反

謂謀危社稷

二曰謀大逆

謂謀毀宗廟山陵及宮闕

三曰謀叛

謂背

國從

四曰惡逆

謂毆及謀殺祖父父母父母殺伯叔父母姑兄姊外祖父父母夫之祖父母父母

五曰不道

謂殺一家非死罪三人支解人造畜蠱毒魘魅

六曰大不敬

謂盜神御之物

乘輿服御物及御造御寶合和御藥誤不如本方及封題誤若造御膳誤犯食禁御幸舟船誤不牢固指斥乘

輿情理切害及對捍七曰不孝謂告言詈詛祖父母父

詔使而無人臣之禮母及別籍異財若供養

有闕居父母喪身自嫁娶若作樂釋服從吉聞八曰不

睦謂謀殺及賣總麻已上親九曰不義謂謀殺本屬府

毆告夫及大功已上尊長主判史縣令現

受業師十曰內亂謂姦小功已此十者常赦之所不原北初

齊立重罪十條為十惡一反逆二大逆三叛四降五惡

逆六不道七不敬八不孝九不義十內亂犯此者不在

八誡論贖之限隋氏適立八議以廣親親以明賢賢以

頗有益損皇朝因之

篤實舊以勸功勤其一曰議親謂皇帝袒免以上親及

以上親皇后太皇太后皇太后總麻

小功以上親二曰議故謂故

三曰議賢謂有大

四曰議

德行

十一

能

謂有大才藝

五曰議功

謂有大功勲

六曰議貴

謂職事官三品已上散官二品

已上及爵一品

七曰議勤

謂有大功勞

八曰議賓

謂承先代後為國賓

八者犯

死罪所司先奏請議得以減贖論

周禮以八辟麗邦法附刑罰即八議也自

魏晉宋齊梁陳後魏北齊後周及隋皆載于律

凡贖罪以銅

自管五十銅一斤至杖一百即十斤

徒一年二十斤至徒三年則六十斤流二千里銅八十斤至流三千里則百斤絞與斬銅止一百二十斤

其

私坐也一斤為一負其公坐也則二之十負為殿

凡贖者謂

在八議之條及七品已上官父母妻子五品已上上至

曾高祖下至曾玄孫五品已上妾犯非罪十惡八品已

下身犯流已下罪者及年七十已上十五已下及廢疾等犯罪加役流及逆緣坐流會赦猶流已下罪者及年

八十已上十歲已下及篤疾犯盜與傷人凡計賊者以者及過誤殺人及大辟疑罪者並以贖論

絹平之

準律以當處中絹估平之開元十六年敕其以賊定罪者並以五百五十為定估其徵收平賊

並如律也

其賊有六焉

一曰強盜賊

自絹一尺至于十尺

二曰枉法賊

其刑絞

自絹一尺至于十有五尺其刑與強盜同

三曰不枉法賊

自絹一尺至于三十

足加役流也

四曰竊盜賊

自絹一尺至于五十足加役流

五曰受所監臨賊

其刑流

自絹三尺至于五十足流二千

六曰坐贓其刑

徒

自絹一尺至于五十足徒三年

凡六賊定罪有正條餘皆約而斷焉

枉法賊謂受人財為曲法處分事者一尺杖一百已上每一足加一等止十五足絞不枉法賊謂雖受財依法

處分者一尺杖九十二尺加一等止三十尺加役流若無祿人犯此二賊並減有祿人一等若枉法二十尺即絞不枉法四十尺加役流強盜賊謂以威力取人財并與藥酒及食使狂亂取財不得徒二年得財一尺徒三年二尺加一等十尺已上絞竊盜賊者謂私竊人財不得答五十得財一尺杖六十二尺加一等五尺徒一年又每五尺加一等五十尺止加役流受所監臨賊者謂不因公事受部人財物者一尺答四十每二尺加一等至八尺徒一年又每八尺加一等五十尺罪止流三十里坐贓者謂非監臨主司而因事受財者一尺答二十每一尺加一等至十尺徒一年每十尺加一等五十尺罪止徒三年自外諸條皆約此六賊為罪

凡應

減者下就輕次焉二死三流俱從一減凡應加者上就重次焉五刑皆累加雖數盈不得至於死凡律法之外

有殊旨別敕則有死流徒杖除免之差

謂有殊旨別敕宜殺卻宜處盡

宜處死宜配遠流宜流卻配流若干里从某處宜配流
卻遣宜徒宜配徒若干年至到與一頓與重杖一頓與
一頓痛杖決杖若干宜處流依法配流依法配流若干
里宜處徒依法配徒與徒罪依法處徒若干與杖罪
與除名罪與免官罪與免所
居官罪皆刑部奉而行之
凡決死刑皆於中書門下

詳覆

舊制皆於刑部詳覆然後奏決開元二十五年敕
以為庶獄既簡且無死刑自今已後有犯死刑除

十惡死罪造偽頭首劫殺故殺謀殺外宜令中書門下
與法官等詳所犯輕重具狀聞奏其在降官降逆人親
并犯賄贓名教如有刻已自新以功
補過使司應合聞薦不須限以貶黜
凡京都大理寺京

兆河南府長安萬年河南洛陽縣咸置獄

其餘臺省寺
監衛府皆不

置凡死罪枷而桎婦人及徒流枷而不桎官品及勲散

之階第七已上鎖而不枷

勲官武騎尉及散官宣義郎並七品階諸應議請減者犯

流已上若除免官當者並鎖禁

杖笞與公坐徒及年八十十歲廢疾懷

孕侏儒之類皆訟繫以待弊凡有犯罪者皆從所發州

縣推而斷之在京諸司則徒以上送大理杖以下當司

斷之若金吾糾獲亦送大理

犯罪者徒已上縣斷定送州覆審訖徒罪及流應決

杖若應贖者即決配徵贖其大理及京兆河南斷徒及官人罪並後有雪減並中有司審詳無失乃覆下之如有不當者亦隨事駁正若大理及諸州斷流已上若除免官當者皆連寫案狀申省案覆理盡申奏若案覆事

有不盡在外者遣使就覆在京者追就刑部覆以定之

凡決大辟罪皆於市

古者決大

辟罪皆於市自今上臨御以來無其刑但存其文耳

五品已上犯非惡逆已上聽

自盡於家七品已上及皇族若婦人犯非斬者皆絞於

隱處

決大辟罪官爵五品已上在京者大理正監決在外者上佐監決餘並判官監決在京決者亦皆有

御史金吾監決若因有寬濫灼然者聽停決奏聞

凡決大辟罪在京者行決之

司五覆奏在外者刑部三覆奏

在京者決前一日二覆奏決日三覆奏在外者

初一日再覆奏縱臨時有敕不許覆奏亦準此覆奏

若犯惡逆已上及部曲奴婢

殺主者唯一覆奏

決大辟罪皆防援至刑所因一人防援二十人每一人加五人五品已上

非惡逆者聽乘車並官給酒食聽親故辭訣宣告犯狀
仍日未後乃行刑囚在外奏報之日不得馳驛行下

凡京城決囚之日上食蔬食內教坊及太常皆徹樂每

歲立春後至秋分不得決死刑

若犯惡逆及奴婢部曲殺主不依此法

其

大祭祀及致齋朔望上下弦二十四氣雨未晴夜未明

斷屠日月及休假亦如之

其死囚無親戚者皆給棺於官地內權殯於京城七里外

量置地一項擬埋諸司死囚埋訖仍下本屬告家人令取

凡犯流罪已下應除免官

當未奏身死者免其追奪

謂不奪告身若奏時不知身死奏後云先死者休奏定其

常赦所不原者不在免限

流移之人皆不得棄放妻妾及私遁還鄉

若妻子在遠預為追喚待死同發配西州伊州者送涼
府江北人配嶺南者送桂廣府非劍南人配姚嵩州者
送付益府取領即還其涼府等各差專使至六載然後
領送所領送人皆有程限不得稽留遲緩

聽仕

其犯反逆緣坐流及免死役流不在此例

即本犯不應流而特配流者

三載以後聽仕

有資者各依本犯收叙法其解見任及非除名移鄉者年限叙法皆準考解之

例其應徒則皆配居作

在京送將作監婦人送少府監縫作外州者供當處官役及修

理城隍倉庫及公廨雜使犯流應住居作者亦準此婦人亦留當州縫作及配春諸流徒罪居作者皆著鉗若無鉗者著盤枷病及有保者聽脫不得著中帶每旬給假一日臘寒食各給二日不得出所役之院患假者倍日役
之凡禁囚皆五日一慮焉
慮謂檢閱之也斷決訖各依本犯其發處日月別總

作一帳附朝集使申刑部

凡告言人罪非謀叛以上皆三審之

應受解牒

官司並具曉示虛得反坐之狀每審皆別日受辭若有事切害者不在此例

告密有不於所

由掩捕則從近也

謂告密人皆經當處長官告長官有事經佐官告長官佐官俱有事者經

比界論告若須有掩捕應與餘州相知者所在準法收捕事當謀叛已上馳驛奏聞且稱告謀叛已上不肯言事意者給驛部送京其犯死罪因及緣邊諸州鎮防人等若犯流人告密並不在送限凡察獄之

官先備五聽

一曰辭聽二曰色聽三曰氣聽四曰目聽五曰耳聽

又稽諸證信有

可徵焉而不首實者然後拷掠二十日一訊之

訊未畢更移他

司仍須拷鞠通計前訊以充三度即罪非重害及疑似處少不必備三若因因訊致死者皆與長官及執彈官

對驗其拷四及行凡斷獄之官皆舉律令格式正條以決罰不得中易人

結之若正條不見者其可出者則舉重以明輕其可入者則舉輕以明重凡獄囚應入議請者皆申刑部集諸

司七品已上於都座議之

若有別議所司科簡具狀以聞若衆議異常堪爲典則者

錄送史館凡枷杖杻鎖之制各有差等

枷杖五尺已上六尺已下頰長二尺五寸

已上六寸已下共闊一尺四寸已上六寸已下徑頭三寸已上四寸已下杻長一尺六寸已上二尺已下廣三寸厚一寸鉗重八兩已上一斤已下長一尺已上一尺五寸已下鎖長八尺已上一丈二尺已下杖皆削去節目長三尺五寸訊囚杖大頭徑三分二釐小頭二分二釐常行杖大頭二分七釐中頭一分七釐答杖大頭二

分小頭一分半其決管腿臂分受杖者背腿臂分受頂
數等拷訊管亦同願背腿均受者聽殿庭決杖者皆背

受

凡鞠獄官與被鞠人有親屬仇嫌者皆聽更之

親謂五服

內親及大功已上婚姻之家并授業經師為本部都督刺史縣令及府佐於府主皆同換推

凡有罪

未發及已發未斷而逢格改者若格重則依舊條輕從

輕法凡天下諸州斷罪應申覆者每年正月與吏部擇

使取歷任清勤明職法理者仍過中書門下定訖以聞

乃令分道巡覆

若應句會官物者加判官及典

刑部錄囚徒所犯以授

使

嶺南使以九月上旬先發遣

使牒與州案同然後復送刑部

若州司枉

斷使推無罪州司款伏灼然無罪者任使判放其降入
流徙者亦從流徙法若使人與州執見有別者各以狀
申若理狀已儘可斷決而使人妄生節目不退者州司
錄申辨及賊狀露驗者即決不得待使覆其餘罪皆待
覆定使人至日先檢行獄囚枷鎖補席及疾病糧餉之
事有不如法者皆以狀聞若巡察使按察使廉察使採
訪使皆待制命而行非有恒也 凡在京諸司見禁囚每月二十五日已

前本司錄其所犯及禁時日月以報刑部

來月一日以聞

凡有

冤滯不申欲訴理者先由本司本貫或路遠而躋礙者
隨近官司斷決之即不伏當請給不理狀至尚書省左
右丞為申詳之又不伏復給不理狀經三司陳訴又不

伏者上表受表者又不達聽過登聞鼓若惇獨老幼不

能自申者乃立肺石之下

若身在禁繫者親識代立馬立於石者左監門衛奏聞過

於鼓者右監門衛奏聞

凡國有赦宥之事先集囚徒於闕下命衛

尉樹金鷄待宣制訖乃釋之

都官郎中一人從五品上

都官者本因漢置司隸校尉其屬官有都官從事一人掌

中都官不法事因以名官都官者義取掌中都官中都官者京師官也至魏明帝青龍二年尚書陳矯奏置都官郎中郎中晋宋齊都官郎中二人後魏北齊一人梁陳為侍郎並掌京師非違得失事非今都官之任後周置秋官府有司屬之職掌諸奴男子男女入於罪諫女子入於舂鑪之事蓋比今都官郎中之任也隋初置都

官侍郎二人猶掌非違得失事開皇三年改都官尚書
曹曰刑部其都官郎曹遂改掌簿錄配沒官私奴婢并
良賤訴競俘囚之事煬帝時都官郎置二人皇朝因置
一人武德三年加中字龍朔二年改曰司僕大夫咸亨
元年
復故

員外郎一人從六品上

周禮秋官有司厲下士二人掌
男女奴蓋比今都官員外郎之

任也後周依馬隋文帝置員外郎侍郎煬帝改曰承務
郎武德三年改為都官員外郎龍朔咸亨並隨曹改復

主事二人從九品上

都官郎中員外郎掌配沒隸簿錄俘囚以給衣糧藥療
以理訴競雪免凡公私良賤必周知之凡反逆相坐沒

其家為官奴婢

反逆家男女及奴婢沒官皆謂之官奴婢男年十四以下者配司農十五已上

者以其年長命遠京邑配嶺南為城奴

一免為番戶再免為雜戶三免為

良人皆因赦宥所及則免之

凡免皆因恩言之得降一等二等或直入良人諸律

令格式有言官戶者是番戶之摠號非謂別有一色

年六十及廢疾雖赦令不該

並免為番戶七十則免為良人任所居樂處而編附之

凡初配沒有伎藝者從其能而配諸司婦人工巧者入

于掖庭其餘無能咸隸司農凡諸行宮與監牧及諸王

公主應給者則割司農之戶以配

諸官奴婢賜給人者夫妻男女不得分張

三歲已下聽隨母不充數若應其餘雜伎則擇諸司之簡進內者取無夫無男女也

戶教充

官戶皆在本司分番每年十月都官按比男年十三已上在外州者十五已上容貌端正送大

樂十六已上送鼓吹及少府教習有工能官奴婢亦準此業成準官戶例分番其父兄先有伎藝堪傳習者不

在簡凡配官曹長輸其作番戶雜戶則分為番

番戶一年三番

雜戶二年五番番皆一月十六已上當番請納資者亦聽之其官奴婢長役無番也男子入于蔬

圃女子入厨饅廼甄為三等之差以給其衣糧也

四歲已上為小

十一已上為中二十已上為丁春衣每歲一給冬衣二歲一給其糧則季一給丁奴春頭巾一布衫袴各一件皮鞵一量并禮官婢春給裙衫各一絹襪一鞵二量冬給襦複袴各一牛皮鞵一量并禮十歲已下男春給布

衫一鞋一量女給布衫一布襖一鞋一量冬男女各給布襖一鞋一量官戶長上者准此其糧丁口日給二升中口一升五合小口六合諸戶留長凡居作各有課上者丁口日給三升五合中男給三升

程丁奴三當二役中奴若丁婢二當一役中婢三當一役凡元冬寒食喪婚乳免

咸與其假馬官戶奴婢元日冬至寒食放三日假產後及父母喪婚放一月聞親喪放七日有

疾太常給其醫藥其分番及供公解戶不在給限男女既成各從其類

而配偶之並不得養良人之子及以子繼人每歲孟春本司以類相從

而疏其籍以申每歲仲冬之月條其生息閱其老幼而

正簿焉每歲十月所司自黃口已上並印臂送都官閱貌

比部郎中一人從五品上

魏氏置歷晉宋齊後魏北齊皆有郎中後周天官府有計

部中大夫蓋其任也梁陳隋並為侍郎煬帝曰比部郎自晉宋齊梁陳皆吏部尚書領比部後魏北齊及隋則都官尚書領之皇朝因焉武德三年加中字龍朔二年改為司計大夫咸亨元年復故

員外郎一人從六品上

隋置員外侍郎煬帝曰承務郎武德三年改為員外郎龍朔咸

亨隨曹

改復

主事四人從九品上

比部郎中員外郎掌司諸司百寮俸料公廨贖贖戍上

中下為差

上鎮將有仗身四人中下鎮將上鎮副各三人中下鎮副各二人倉曹兵曹戍主副各一

人其仗身十五日一凡京司有別借食本中書門下集賢殿書院各

替收資六百四十大

借本一千貫尚書省都司吏部戶部禮部兵部刑部工部御史臺左右春坊鴻臚寺秘書省國子監四方館弘文館各百貫皆五分收利以為食本諸司亦有之其收則少每季一申省諸州歲終

而申省比部總勾覆之凡倉庫出內營造傭市丁匹功

程贖贖賦歛勲賞賜與軍資器仗和糴屯收亦勾覆之

其在京給用則月一申之在外二千里內季一申之二千里外兩季一申之五千里外終歲一申之凡質舉之利收子不得踰五分出息債過其倍若回利克本官不理

司門郎中一人從五品

周禮大司徒屬官有司門下大夫掌授管鍵以啓閉國門後周

依周官隋開皇初置司門侍郎煬帝曰司門郎皇朝因
之武德三年加中字龍朔二年改曰司門大夫咸亨元
年復
改

員外郎一人從六品上

周禮有司門上士後周有小司
門上士隋置司門員外郎煬帝

改曰承務郎武德
三年改曰員外郎

主事二人從九品上

司門郎中員外郎掌天下諸門及關出入往來之籍賦
而審其政凡關二十有六而為上中下之差京城四面

關有驛道者為上關

上關六京兆府藍田關華州潼關
同州蒲津關岐州散關隴州大震

關原州隴山關

餘關有驛道及四面關無驛道者為中關

中關一十

三京兆府子午路谷庫谷同州龍門會州會寧原州木

峽石州孟門嵐州合河雅州邛菜彭州蠶崖安西鉄門

興州興城

他皆為下關焉

下關七涼州甘亭百牢河州鳳林利州石門延州永和綿

州松嶺龍

所以限中外隔華夷設險作固閑邪止暴者

州洛水

也凡關呵而不征司貨賄之出入其犯禁者舉其貨罰

其人

古書帛為牘刻木為契二物通為之傳傳如今通所

凡度關者先經本部本

司請過所在京則省給之在外州給之雖非所部有來

文者所在給之

若私度關及越度至越所而不度不應度關而給過所若冒名請過所與人及

不應受而受者若家人相冒及所司無故稽留若領人
度嗣及別人妄隨之若賣禁物私度及越度緣邊關其
罪名
有差

唐六典卷六

欽定四庫全書

唐六典卷七

唐 張九齡等 撰

尚書工部

工部尚書一人

侍郎一人

郎中一人

員外郎一人

主事三人

令史十二人

書令史二十一人

計史一人

亭長六人

掌固八人

屯田郎中一人

員外郎一人

主事二人

令史七人

書令史十二人

計史一人

掌固四人

虞部郎中一人

員外郎一人

主事二人

令史四人

書令史九人

掌固四人

水部郎中一人

員外郎一人

主事二人

令史四人

書令史九人

掌固四人

工部尚書一人正三品

周之冬官卿也漢五曹尚書其三曰民曹後漢以民曹兼主繕

修功作城池園苑之事自晉宋齊梁陳營宗廟則權置起部尚書事畢省之後周依周官置大司空卿一人隋開皇二年始置工部尚書皇朝因之龍朔二年改為司平太常伯咸亨元年復為工部尚書光宅元年改為冬官尚書神龍元年復故

侍郎一人正四品下

蓋周之冬官小司空中大夫也漢已來尚書侍郎今郎中之任也後

周依周官隋煬帝置工部侍郎皇朝因之龍朔二年改為司平少常伯咸亨光宅神龍並隨曹改復

工部尚書侍郎之職掌天下百工屯田山澤之政令其

屬有四一曰工部二曰屯田三曰虞部四曰水部尚書

侍郎總其職務而奉行其制命凡中外百司之事由於所屬咸質正焉

郎中一人從五品上

蓋周禮大司空屬官下大夫郎中之任也晉宋齊後魏北齊皆有起

部郎中梁陳改置起部侍郎後周置冬官小司空下大夫隋初為工部侍郎煬帝除侍字又改工部為起部皇朝因之武德三年改為工部郎中龍朔二年改為司平大夫咸亨元年復為工部郎中光宅神龍並隨曹改復

員外郎一人從六品上

後周依周禮置小司空上士蓋員外郎任也隋開皇六年置工

部員外郎煬帝改為起部丞務郎皇朝改為工部員外郎龍朔二年改為司平員外郎咸亨光宅神龍並隨曹

復改

主事三人從九品上

郎中員外郎掌經營興造之衆務凡城池之修濬土木之繕葺工匠之程式咸經度之京城左河華右隴坻前終南後九慶南面三門中曰明德左曰啟夏右曰安化東面三門中曰春明北曰通化南曰延興西面三門中

曰金光北曰開遠南曰延平

今京城隋文帝開皇二年六月詔左僕射高穎所置

南直終南山子午谷北據渭水東臨滻川西次澧水太子左庶子宇文禮創制規模將作大匠劉龍工部尚書賀婁子幹太府少卿高龍人並充檢校至三年三月移入新都焉名曰大興城東西十八里一百一十五步南

北十五里一百七十五步牆高一丈八尺皇城之南東
西十坊南北九坊皇城之東西各一十二坊兩市居四

坊之地凡一百一十坊開元十
四年又取東面兩坊為興慶宮 皇城在京城之中 東西

一百一十五步南北三里
一百四十步今謂之子城南面三門中曰朱雀左曰安

上右曰舍光

朱雀門正南當明德門正北當承天門
外橫街正東直春明門正西直金光門東

面二門北曰延喜南曰景風

延喜門在承天門外
橫街東直通化門西面

二門北曰安福南曰順義

安福門西
直開遠門其中左宗廟 在安

內之右社稷 在舍光門
內之西

百僚解署列乎其間凡省六寺

九臺一監四衛十有八

六省謂尚書中書門下秘書殿
中內侍省九寺謂太常宗正司

農太府鴻臚衛尉光祿太僕大理寺一臺謂御史臺四
監謂少府將作國子都水監十八衛謂左右衛左右金
吾衛左右驍騎左右武衛左右威衛左右領軍衛左右
監門衛左右千牛衛左右羽林軍衛今按中書門下凡
有三所並在宮城之內國子監在皇城之南左右金
吾衛在皇城之東西左右羽林軍在玄武門之北東

宮官屬凡府一坊三寺三率府十

一府謂詹事府三坊謂左右春坊內坊三

寺謂家令率更僕寺十率府謂左右衛率府左右清
道率府左右司禦率府左右內率府左右監門率府宮

城在皇城之北南面三門中曰承天東曰長樂西曰永

安

承天門隋開皇三年作初曰廣陽門仁壽元年改曰
昭陽門武德元年改曰順天門神龍元年改曰承天

門

若元正冬至大陳設燕會赦過宥罪除舊布新受萬

國之朝貢四夷之賓客則御承天門以聽政

蓋古之外朝也

其

北曰太極門其內曰太極殿朔望則坐而視朝焉

蓋古之中

朝也隋曰大興門大興殿煬帝改曰虔福門貞觀八年改曰太極門武德元年改曰太極殿有東上西上二閤

門東西廊左延明右延明二門次北曰朱明門左曰虔化門右曰肅章

門肅章之西曰暉政門虔化之東曰武德西門

其內有武德殿

有延恩殿又北曰兩儀門其內曰兩儀殿常日聽政而視事

焉

蓋古之內朝也隋曰中華殿貞觀五年改為兩儀殿承天門之東曰長樂門北入恭禮門入北入虔化門

則宮內也承天門之西曰廣運門永安門兩儀殿之東

北入安仁門又北入肅章門則宮內也

曰萬春殿西曰千秋殿兩儀之左曰獻春門右曰宜秋

門宜秋之右曰百福門其內曰百福殿百福之西曰承

慶門內曰承慶殿獻春之左曰立政門其內曰立政殿

立政之東曰大吉門其內曰大吉殿兩儀之北曰甘露

門其內曰甘露殿左曰神龍門其內曰神龍殿右曰安

仁門其內曰安仁殿

又有興仁宣猷崇道惠訓昭德安禮正禮宣光通福光昭嘉猷華光

暉儀壽安綏福等門薰風就日翔鳳咸池臨昭望僊鶴羽乘龍等殿凌煙翔鳳等閣

大明宮在禁

苑之東南西接宮城之東北隅

龍朔二年高宗以大內卑濕乃於此置宮南

面五門正南曰丹鳳門東曰望僊門次曰延政門西曰

建福門次曰興安門

南當皇城之啓夏門舊京城入苑之北門開皇三年開除四門並與

宮同置

丹鳳門內正殿曰含元殿

殿即龍首山之東趾也階上高於平地四十餘

尺南去丹鳳門四百餘步東西廣五百步今元正冬至於此聽朝也

夾殿兩閣左曰翔鸞

閣右曰棲鳳閣

與殿飛廊相接夾殿東有通乾門西有觀象門閣下即朝堂肺石登聞鼓如承

天之制

其北曰宣政門門外東廊曰齊德門西廊曰興禮

門內曰宣政殿殿前東廊曰日華門門東門下省省東

南北街南直含耀門出昭訓門宣政殿前西廊曰月華

門門西中書省省西南北街南直昭慶門出光範門宣

政之左曰東上閣右曰西上閣次西曰延英門其內之

左曰延英殿右曰含象殿宣政北曰紫宸門其內曰紫

宸殿

即內朝正殿也

殿之南面紫宸門左曰崇明門右曰光順

門殿之東曰左銀臺門西曰右銀臺門次北曰九僊門殿之

北面曰玄武門左曰銀漢門右曰青霄門

其內又有麟德凝霜承歡長安僊居拾翠碧羽

金鸞蓬萊含涼珠境三清含光水香紫蘭等殿立興慶

武明儀大角等觀懋儀結鄰承雲修文等閣也

宮在皇城之東南東距外郭城東垣

即今上龍潛舊宅也開元初以為離

宮至十四年又取永嘉勝業坊之半以置朝自宮之西大明宮東夾羅城復道經通化門磴道潛通焉

曰興慶門其內曰興慶殿即正衙殿有龍池殿次南曰金明門門

內之北曰大同門其內曰大同殿宮之南曰通陽門北

入曰明光門其內曰龍堂通陽之西曰花萼樓樓西即寧王第

故取詩人棠棣之義以名樓焉樓西曰明義門其內曰長慶殿宮之北

曰躍龍門其內左曰芳苑門右曰麗苑門南走龍池曰

瀛洲門內曰南薰殿瀛洲之左曰僊雲門北曰新射殿

又有同光承雲初陽飛軒玉華等門飛僊交泰同光榮光等殿初上居此第其里名協聖諱所居宅之東有舊

井忽涌為小池周袤纔數尺常有雲氣或見黃龍出其
中至景龍中潛復出水其治浸廣時即連合為一未半
歲而里中人患移居遂鴻洞為龍池焉蓋符命之先也
禁苑在大內宮城之北北

臨渭水東拒滄川西盡故都城

具周一百二十里

禽獸蔬果莫

不毓焉若祠禴烝嘗四時之薦蠶夷戎狄九賓之享則

蒐狩以為儲供焉東都城左成皋右函谷前伊闕後邙

山南面三門中曰定鼎左曰長夏右曰厚載東面三門

中曰建春南曰永通北曰上東北面二門東曰安喜西

曰徽安

都城隋煬帝大業元年詔左僕射楊素右庶子宇文愷移故都創造也南直洛水之口北倚邙

山之塞東出澗水之東西出澗水之西洛水貫都有河
漢之象焉東去故都十八里煬帝既好奢靡愷又多奇
巧遂作重樓曲閣連闥洞房綺繡瑰奇窮巧極麗大業
末喪亂為王克所據武德五年平克乃詔裴乾陽殿及
建國門廢東都以為洛州總官府尋以宮城倉庫猶在
乃置陝東道大行臺武德九年復為洛州都督府貞觀
六年改為洛陽宮十二年車駕始幸洛陽明慶元年復
置為東都龍朔中詔司農少卿旧仁注隨事修葺後又
命司農少卿常機更加營造永昌中遂改為神都漸加
營構宮室百司市里郭郭於是備矣東面十五里二百
一十步南面十五里七十步西面連苑距上陽宮七里
北面距徽安門七里郭郭南廣北狹凡一百三坊三市
居其中馬開元十二年廢西市取西連禁苑西四門
厚載門之西一坊地及西市入苑

南曰迎秋次曰遊義次曰籠烟北曰靈溪皇城在都城

之西北隅南面三門中曰端門左曰左掖門右曰右掖

門東面一門曰賓耀西面二門南曰麗景北曰宣耀東

城在皇城之東東曰宣仁門南曰承福門皇城在東城

之內百僚解署如京城之制皇宮在皇城之北

東西四里一百

八十步南北二里八十五步南面三門中曰應天左曰

興教右曰光政

應天門端門若西京承天之門

其內曰乾元門

若西京之太極

門東廊有左延福門西廊有右延福門

興教之內曰會昌其北曰章善光

政之內曰廣運其北曰明福乾元之左曰萬春右曰千

秋其內曰乾元殿

則明堂也證聖元年營造上園下方八

馬殿之左曰春暉門右曰秋光門北曰燭龍門明福之東

曰武成門其內曰武成殿明福之西曰崇賢門其內曰集

賢殿武成之北曰延壽殿集賢之北曰僊居殿其東曰億

歲殿又東曰同明殿

其內又有觀禮歸義收成光慶等門延祥延壽觀文六合等殿宜春僊居

迎祥六合等院也

其西北出曰洛城西門其內曰德昌殿北曰儀

鸞殿德昌南出曰延慶門又南曰韶暉門西南曰洛城南

門其內曰洛城殿又北曰飲羽殿

洛城南門之西有麗景夾城自此潛通於上陽

馬
上陽宮在皇城之西南

苑之東垂也南臨洛水西拒穀水東面即皇城右掖門之

南上元中營造高宗晚年常居此宮以聽政焉

東面三門南曰提象門

即正北衙門

曰星躔門提象門內曰觀風門南曰落日樓北曰七寶

閣其內曰觀風殿

殿東面其內又有麗春臺耀掌亭九州亭

其西則有西上

陽宮

兩宮夾殿水虹橋以通往來

北曰化成院西南曰甘露殿殿東曰

雙曜亭又西曰麟趾殿東曰神和亭西曰洞玄堂觀風之

西曰本枝院又西曰麗春殿東曰含蓮亭西曰芙蓉亭又

西曰宜男亭北曰芬芳門其內曰芬芳殿

又有露菊亭互春妃嬪僊杼冰

井等院散
布其內

宮之南面曰僊洛門又西曰通僊門

並在
院中

其內

曰甘湯院次北東

上曰

玉京門門內北曰金闕門南曰泰初

門玉京之西曰客省院蔭殿翰林院又西曰上陽宮宮西

曰含露門玉京西北出曰僊桃門又西曰壽昌門門北出

曰玄武門門內之東曰飛龍廡禁苑在皇都之西北拒北

邨西至孝水南帶洛水支渠穀洛二水會于其間

東面十
七里南

面二十九里西面五十里北面二十里周廻一百二十六里中有合璧冷泉高山龍鱗翠微宿羽明德望春青城黃女陵波十有一宮芳樹金谷二亭凝碧之池開元二十四年上以為穀洛二水或泛濫疲費人功遂敕河南尹李適

之出內庫和顧修三陂以禦之一曰積翠二
曰月陂三曰上陽爾後二水無力役之患 京都之制

備焉凡興建築材木工匠則下少府將作以供其事

少府監匠一萬九千八百五十人將作監匠一萬五千
人散出諸州皆取材力強壯技能工巧者不得隱巧補
拙避重就輕其驅役不盡及別有和顧者徵資市輕貨
納於少府將作監其巧手供內者不得納資有闕則先
補工巧業作之子弟一入工匠後不得別入諸色具和
顧鑄匠有名解鑄者則補正工凡計功程者夏三月與
秋七月為長功冬三月與春正月為短功春之二月
三月初秋之八月九月為中功其役功則依戶部式

屯田郎中一人從五品上

漢尚書郎四人其一人主戶
口墾田蓋魚屯田之任也故

汜勝之為侍郎教田三輔是也魏有農部郎曹晉始置
屯田郎中東晉及宋齊並左民郎中兼知屯田事後魏

北齊並置屯田郎中梁陳隋並為侍郎亦郎中之任也
煬帝曰屯田郎後魏北齊祠部尚書領屯田陳左戶部
尚書領屯田隋則工部尚書領之皇朝因稱郎
中龍朔二年改為司田大夫咸亨元年復故

員外郎一人從六品上

隋開皇六年置煬帝改曰承務郎武德三年改曰員外郎龍朔

咸亨隨
曹改復

主事二人從九品上

屯田郎中員外郎掌天下屯田之政令凡軍州邊防鎮
守轉運不給則設屯田以並軍儲其水陸腴瘠播植地
宜功庸煩省收率等級咸取決焉諸屯分田役力各有

程數

凡營稻一頃將單功九百四十八日禾二百八十
三日大豆一百九十二日小豆一百九十六日烏

麻一百九十一日麻四百八十九日床泰一百八十
日麥一百七十七日蕎麥一百六十日藍五百七十日蒜

七百二十日葱一十一百五十六日瓜八百一十
八日蔓菁七百一十八日苜蓿二百二十八日凡天

下諸田

太子左右春坊各五頃太子左右衛率府太史局各四
頃宗正寺左右千牛衛太子僕寺左右司禦率

府左右清道率府左右監門率府各三項內坊左右內
率府率更寺各三頃其有管署局子府各準官品人數

均皆視其品命而審其分給

虞部郎中一人從五品上

周禮地官有山虞澤虞蓋虞
部之職也魏始有虞曹郎中

一人晉因之宋齊省梁陳為侍郎後魏北齊並有虞曹
郎中後周冬官有虞部下大夫一人隋虞部侍郎煬帝

但曰虞部郎梁陳後魏北齊並祠部尚書領之隋工部尚書領之皇朝因焉武德三年加中書龍朔二年改為司虞大夫咸亨元年復故

員外郎一人從六品上

後周依周官有山虞澤虞中士蓋今虞部員外郎之任也隋開

皇六年置煬帝改曰承務郎皇朝復改為虞部員外郎龍朔咸亨隨曹改復

主事二人從九品上

虞部郎中員外郎掌天下虞衡山澤之事而辨其時禁凡採捕畋獵必以其時冬春之交水蟲孕育捕魚之器不施川澤春夏之交陸禽孕育餽獸之藥不入原野夏

苗之盛不得蹂藉秋實之登不得焚燎若虎豹豺狼之害

則不拘其時聽為檻穽獲則賞之大小有差

諸有猛獸處聽為檻

穽射窠等得即於官每一賞絹四疋殺豹及狼每一賞絹一疋若在牧監內獲豺亦每一賞絹一疋子各半疋

凡京兆河南二都其近為四郊三百里皆不得弋獵採

捕

每年五月正月九月皆禁屠殺採捕

凡五嶽及名山能蘊靈產異興雲

致雨有利於人者皆禁其樵採時禱祭焉凡殿中太僕

所管閑廐馬兩都皆五百里供其芻藁其關內隴右西

使北使南使諸牧監馬牛駝羊皆貯藁及芟草

高原藁支七年

芟草支四年平地葉支五年芟草其柴炭木撞進內及
支三年下土葉支四年芟草二年

供百官蕃客竝於農隙納之
供內及宮人起十月畢二
月供百官蕃客起十一月

畢正
月

水部郎中一人從五品上

魏置水部郎中歷晉宋齊後
魏北齊並有水部郎中梁陳

為侍郎後周冬官府有司水中大夫隋文帝為水部侍
郎煬帝但曰水部郎宋齊梁陳後魏北齊並郎官尚書
領之隋工部尚書領之皇朝因焉武德二年加
中書龍朔二年改為司川大夫咸亨元年復故

員外郎一人從六品上

後周冬官府有小司水上士則
水部員外郎之任也隋開皇六

年置煬帝改為承務郎皇朝復為
水部員外郎龍朔咸亨隨曹改復

主事二人從九品上

水部郎中員外郎掌天下川瀆陂池之政令以導達溝
洫堰決河渠凡舟楫溉灌之利咸總而舉之凡天下水泉三
億三萬三千五百五十有九其在遐荒絕域殆不可得
而知矣其江河自西極達于東溟中國之大川者也其
餘百三十有五水是為中川者也

桑欽水經所引天下之水百三十七江河

在其千二百五十有二水斯為小川者也

酈善長注水經引其支流

一千二百五十二

若渭洛汾濟漳淇淮漢皆亘達方域通濟舳

艫徙有之無利於生人者矣其餘陂澤魚鼈莞蒲杭稻之利蓋有不可得而備云凡水有溉灌者碾磑不得與

爭其利

自李夏及于仲春皆閑斗門有餘乃得聽用之

溉灌者又不得浸人廬

舍壞人墳隧仲春乃命通溝瀆立隄防孟冬而畢若秋

夏霖潦泛溢衝壞者則不待時而修葺凡用水自下始

凡天下造舟之梁四

河三洛一河則蒲津大陽盟津一名河陽洛則孝義也

石柱

之梁四

洛三灊一則天津永洛齊中橋灊橋也

木柱之梁三

皆渭川也便橋中渭橋東

渭橋此舉京都之衝要也

巨梁十有一皆國工修之其餘皆所管州

縣隨時營葺

河梁橋所須竹索令宣常洪三州役工匠預支造宣洪二州各大索二十條常州小

索一十二百條大陽蒲津竹索每年令司竹監給竹令

津家水手自造其供橋雜匠料須多少預申所司其匠

先配近橋人充浮橋脚舡皆預備半副自餘調度預備

一副河陽橋舡於潭洪二州造送大陽蒲津橋於嵐石

濕勝慈等州材木送橋所造河陽橋置水手二百五十

人大陽水手二百人仍各置木匠十人蒲津橋一十五

人孝義橋所須竹索其大津無梁皆給船人量其大小

取河陽橋退者以充白馬津船四艘龍門會寧合河等關

難易以定其差等

舡並三艘渡子各皆以當處鎮防人


充渭津關舡二艘渡子取永豐倉防人充渭水鴻渡舡

四艘涇水涇合渡韓渡劉控坂渡畦城坂渡覆籬渡船

各一艘濟川津平陰津風陵津興德津船各兩艘洛水

渡口船三艘渡子皆取側近殘疾中男解水者充會寧

船別五人興德船別四人自餘船別三人
荊州洪亭松滋渡江州馬頰檀頭渡船各一艘
人越州杭州浙江渡洪州城下渡九江渡船各三艘
別四人渡子並須近江白丁使水者充分為五
替一



唐六典卷七